

歷代職官表

冊
三

欽定歷代職官表卷三十九

內務府上駟院表

上	三代	
校中大人	秦	
夫	漢	
	後漢	
	三國	
	晉	
	宋齊	
	梁陳	
	北魏	
	北齊	
	後周	
	隋	
	唐	驂駟閑廄 使總飛龍
	五季	飛龍
	宋	羣牧總領 司制內尚 置使廄馬
	遼	總領尚廄 局外提
	金	尚廄
	元	羣牧御馬 所尚監
	明	牧監

事 主 司 右 郎 外 員 司 右

圍師

圍師

右龍
署令
右龍
署令
中士
署令
右龍
署令
右閑
奉御

右龍
署令
右慶
下士
署丞
右龍
奉乘

右天
駟官
監
右天
官坊
慶監

珍倣宋版印

長 鞍 司 衛 侍 駟 上

下馭
士夫

下趣中馭
士馬士夫

三家未大
尉馬央慶

長承署驂
直奉驪

都局右局左御署驂
尉龍龍奉驪

長局尙
直乘
直長

御局尙
奉乘

庫鞍
官轡

直長
寺尙乘

奉御

廢長牧副長牧古醫頭目

圍師
人

下巫
士馬

卒
吏

閑
長

獸
醫

上
下
監
官

習馬
底掌
副都
轄廢

司
局
大
使

珍
做
宋
版
印

內務府上駟院

國朝官制

上駟院兼管事務大臣無定員卿二人

正三品由侍衛補授一人由內務府司官補授一人

掌總理

御廩事務供直扈從應用諸馬政皆總司之及廩屬官員選除賞罰之事初名

御馬監順治十八年改爲阿敦衙門以大臣侍衛等官管理無定員康熙

十六年改爲上駟院三十三年額設堂官一人雍正六年定爲三品卿職

乾隆十四年定爲卿二人所主有

上乘御馬一廩

皇子乘馬一廩

南苑御馬六廩

御驛二廩小馬一廩駑馬六廩

儀仗馬一廩又有大凌河牧羣上都達布遜諾爾達里岡崖牧羣各設有總

管翼領牧長牧副等員皆歸上駟院統轄

堂郎中一人主事二人委署主事一人左司右司員外郎各二人主事各一人
委署主事各一人筆帖式二十二二人

堂郎中主事掌辦理揀選補放及稽查馬匹錢糧文移檔案等事左司員
外郎主事掌內外羣廄游牧處馬駝數目及定議賞罰之事右司員外郎
主事掌員役俸廩馬駝草豆稽核奏銷之事康熙十六年設員外郎四人
主事一人二十四年設郎中一人增設員外郎二人三十三年分爲左右
二司增設主事三人三十八年裁員外郎二人五十九年設委署主事三
人雍正元年增一人尋裁乾隆二十二年仍設委署主事三人筆帖式康
熙十六年以來陸續增置

上駟侍衛二十一人司鞍長三人六品職銜廄長十七人牧長五人副牧長五人牧

廄副四十五人蒙古醫生頭目三人六品職銜

上駟侍衛掌演習御馬廄長等官掌時其芻牧謹其出入以聽堂司之政

令康熙三十三年設辦理堂務上駟侍衛四人辦理二司事務各二人後增設七人乾隆二年增設六人廩長牧長以下康熙十六年以來陸續增置

歷代建置

三代

〔周禮夏官〕校人中大夫二人上士四人下士十有六人府四人史八人胥八人徒八十人掌王馬之政辨六馬之屬種馬一物戎馬一物齊馬一物道馬一物田馬一物駑馬一物凡頒良馬而養乘之乘馬一師四圉三乘爲皐皐一趣馬三皐爲數數一馭夫六數爲廩廩一僕夫六廩成校校有左右駑馬三良馬之數麗馬一圉八麗一師八師一趣馬八趣馬一馭夫天子十有二閑馬六種○趣馬下士皐一人徒四人掌贊正良馬而齊其飲食簡其六節○牧師下士四人胥四人徒四十人掌牧地皆有厲禁而頒之○庾人下士閑二人史二人徒二十人掌十有二閑之政教以阜

馬佚特教駢攻駒○圉師乘一人徒二人掌教圉人牧馬○圉人良馬匹
一人駑馬麗一人掌養馬芻牧之事○馬質中士二人府一人史二人賈
四人徒八人掌質馬○巫馬下士二人醫四人府一人史二人賈二人徒
二十人掌養疾馬而乘治之相醫而藥攻馬疾受財于校人○馭夫中士
二十人下士四十人掌分公馬而駕治之

〔注〕乘調六種之馬

〔春秋左氏昭七年傳〕馬有圉牛有牧

〔鄭康成周禮注〕趣馬下士馭夫中士則僕人上士也〔賈公彥疏〕序官

無僕夫士數之文以此文官尊者馭卑者馭夫既中士則僕夫上士可知

謹案成周馬政掌於夏官司馬自校人以下各司厥職曰掌王馬之政

曰掌十有二閑之政教蓋惟天子供御之馬以校人諸官掌之故鄭注

以王路駕種馬戎路駕戎馬金路駕齊馬象路駕道馬田路駕田馬駑

馬給宮中之役六馬之屬皆以天閑所牧養者為職其他行軍田役所

需之馬則有邱甸出車之法掌自司徒而不為校人以下之所隸屬是

校人諸官正今上駟院之職掌也通典諸書序馬官沿革校人諸職繫
之太僕寺則以漢唐太僕皆兼主御馬因聯而及之今故以校人之職
與太僕寺篇互見而證明其爲天閑之職掌者如此至馭夫掌馭應入
鑾儀衛篇以其兼掌乘調六馬實與今之上駟侍衛相近而校人職中
亦有馭一馭夫之文是又爲馬政之屬官故亦從附見焉

秦

謹案通典稱秦官有太僕正太僕丞而後世之尙乘局自秦以來其職
皆在太僕是御馬之職秦時必以太僕主之但其先泝渭牧馬見於史
記駟馭駢髡詠于風詩而一代官制則史傳闕如略無可考故僅能指
溯其大概而不可復詳焉

漢

〔漢書百官公卿表〕太僕屬官有大廐未央家馬三令各五丞一尉

師古曰家

馬者主供天子私用非大祀戎事軍國所須故謂之家馬也

又龍馬閑駒橐泉駟駘承華五監長丞

如淳

曰橐泉殿在橐泉宮下中太僕掌皇太后輿馬不常置也武帝太初元年更名家馬

為桐馬應劭曰主乳馬取其汁桐治之味酢可飲因以名官也

〔漢書傅介子列傳〕介子以駿馬監求使大宛

〔王應麟玉海〕武帝以嚴安為騎馬令主天子之騎馬傅介子為駿馬監

金日磾拜馬監

〔三輔黃圖〕路軫殿在未央宮掌宮中輿馬亦曰未央殿漢書曰武帝時

期門郎上官桀遷為未央殿令

謹案漢舊儀未央與路軫為天子六殿之二則路軫殿非即未央殿可

知三輔黃圖謂路軫殿亦曰未央殿似合而為一豈因路軫殿在未央

宮遂得通名歟

〔三輔黃圖〕未央大殿在長安故城中漢官儀曰未央宮六殿長樂承華

等殿令皆秩六百石翠華殿大輅殿果馬殿騎馬殿大宛殿軌梁殿胡河

殿駟騶殿皆在長安城外霸昌觀馬殿在長安城外都殿天子車馬所在

中廢皇后車馬所在

〔謹案漢舊儀天子六廢未央承華騶駼騎馬輅輦大廢百官公卿表有家馬龍馬閑駒橐泉等名而三輔黃圖又載有翠華廢大輅廢果馬廢大宛廢軌梁廢胡河廢霸王觀馬廢爲漢儀漢表所不及載可以補漢制之闕

〔玉海〕中廢令祕彭祖爲之

漢書百官公卿表水衡都尉屬官有技巧六廢令丞成帝建始二年省技巧六廢官

〔顏師古漢書注〕漢舊儀云天子六廢未央承華騶駼騎馬輅輦大廢也馬皆萬匹據此表太僕屬官已有大廢未央輅輦騎馬騶駼承華而水衡又云六廢技巧官是則技巧之徒供六廢者其官別屬水衡

〔劉攽漢書刊誤〕表敘水衡九屬官技巧六廢各一物也後省技巧六廢顏遂謂此都是一官非矣蓋上林自有六廢一令丞主之後六廢等各別

有官非此六廢也

謹案漢御馬掌于太僕其屬官如諸牧苑令丞牧橐令丞等分主國馬別見于太僕寺表至如大廢未央騎馬閑駒等令丞則皆以御馬爲職是正今日上駟院之比而駿馬監騎馬令中太僕等官皆親近宮禁之職掌也惟史言六廢馬皆萬匹武帝承文景蓄積海內殷富廢馬有四十萬匹因發數十萬騎追擊匈奴則六廢之馬亦並以供行軍之用蓋其時國馬御馬總掌其成于太僕爲職不分故聯而及之也橐泉廢之在橐泉宮下大廢未央等六廢之主于水衡蓋各以其廢地牧地之所在屬之而其制又可考見矣顏師古以水衡之技巧六廢爲一官謂以技巧供六廢則如後世象馬舞馬之比劉敞以水衡別有六廢令丞非卽太僕之六廢則技巧與廢令兩不相屬視顏義尤爲諦審焉

〔後漢書百官志〕未央廢令一人六百石本注曰主乘輿及廢中諸馬

漢官

曰員吏七十人卒騶二十人

長樂廢丞一人

漢官曰員吏十五人卒騶二十人百稽苑官田所一人守之

舊有六廢

皆六百石令中興省約但置一廄後置左駿廄別主乘輿御馬後或併省
〔袁宏後漢紀〕靈帝初置駮驥廄丞領受郡國調馬而豪右辜擢馬一匹
至二百萬

謹案後漢百官志但載未央長樂二廄名而駮驥廄之置丞獨見於此

〔古今注〕漢安元年七月置承華廄令秩六百后

玉海引此今本古今注無之

謹案順帝紀漢安元年置承華廄東觀記曰時以遠近獻馬衆多圍廄
充滿始置承華廄東京賦云駮承華之蒲捎注廄名卽謂此也但攷張
衡傳衡卒于永和四年下距漢安元年凡四年衡東京賦內已有承華
之名則承華廄之設當在漢安元年之前矣順帝紀謂漢安元年始置
承華廄豈舊有此廄至漢安元年始更新之而因以置令乎

〔杜佑通典〕東京有未央廄令掌乘輿及宮中之馬

謹案東漢裁六廄止存未央長樂一令一丞而左駿廄令或置或併蓋
自光武卻駿馬以駕鼓車而廄置日省故主乘輿御馬之職其可考見

者止此其隸于太僕則與西漢並同至通典言未央殿令并主宮中之馬則中殿太僕亦其所兼掌矣

三國

〔魏都賦〕冀馬填殿而駟駿〔注〕鄴城西下有乘黃殿

〔通典〕魏官第九品總章戲馬監

〔唐六典〕漢未央令魏改爲乘黃殿乘黃古之神馬因以爲名

〔通典〕漢有未央殿令魏改爲驊騮殿

謹案魏改東漢之未央殿令爲乘黃署爲驊騮殿乘黃以神馬爲名實兼主乘輿車輅故互見于鑾儀衛篇驊騮殿爲後代龍殿內殿之所自始而晉宋以後遂分屬門下省則正上駟院之職也總章戲馬監不詳職掌要爲親近供御之馬矣

晉

〔晉書職官志〕太僕統乘黃殿驊騮殿龍馬殿等令自元帝渡江之後或

省或置太僕省故驛驢爲門下之職

謹案晉制以太僕兼掌御馬與漢魏同其龍馬廄承漢制而乘黃驛驢則承魏制也通典言宋以後驛驢爲門下之職今考晉書所載自渡江省太僕而驛驢改隸是分屬門下固始于東晉時矣

宋齊梁陳

〔宋書百官志〕驛驢廄丞一人

〔通典〕自宋以後分驛驢署屬門下

〔齊職儀云〕乘黃獸名也龍翼馬身黃帝乘之而仙因以名廄乘黃令品第七秩四百石

〔唐六典〕齊門下領內外驛驢廄

〔隋書百官志〕梁制門下省掌驛驢廄丞

〔通典〕梁太僕統龍廄內外廄陳因之

謹案江左以驛驢廄隸門下而梁陳仍有龍廄內外廄屬於太僕蓋晉

宋省太僕以梁仍置為卿于是御馬之職分屬於門下與太僕也

北魏

〔洛陽伽藍記〕劉騰寺東有太僕寺寺東有乘黃署

〔冊府元龜〕魏太僕有驊駘廄令

〔通典〕魏官從八品驊駘左右龍諸署令

〔冊府元龜〕後魏獻文帝時呂文祖以勳臣子補龍牧曹奏事中散

謹案史稱魏置野馬苑于雲中置牧地於河西馬三百餘萬匹牧馬之

盛無如後魏至御馬之職則仍以太僕之驊駘龍署主之蓋承西晉之

制而所云龍牧曹殆即龍署令之職與

北齊

〔隋書百官志〕後齊制太僕寺統驊駘左右龍等署掌御馬及諸鞍乘令丞驊駘

署又有奉承直長二人左龍署有左龍局右龍署有右龍局並有都尉

〔通典〕北齊有驊駘左右龍等署驊駘署有奉御十人管十二閑馬

謹案齊與魏同制其左右龍蓋如今之左司右司驛驢署之奉御則如今之上駟侍衛也

後周

〔通典〕後周官正三命夏官左廡右廡上士正二命夏官左廡右廡中士正一命夏官左廡右廡閑長下士

〔唐六典〕典牧署後周有左廡右廡上士

謹案後周官制皆取法于成周其典廡之屬于夏官者有士三等而校人中大夫則未有其職意者史文脫略遂不可考歟左廡右廡之所典蓋兼王馬與國馬故今與太僕寺篇並見焉

隋

〔隋書百官志〕太僕寺統驛驢龍廡等署各署令二人丞二人驛驢牧置儀司及尉大都督帥都督等官煬帝減驛驢署入殿內尙乘局改龍署曰英廡署○尙乘局奉御二人正五品置左右六閑有直長十四人

〔通典〕驛驢左右龍等署隋如北齊○大業三年分門下太僕二司取殿

內監名以為殿內省領尙乘等局領左右六閑及諸閑每局置奉御二人以總之置

直長以貳之

謹案隋初以驛驢署隸太僕後改為尙乘局入殿內而隸于門下省其

所掌為左右六閑正為供御之職而又併入于諸閑則所隸又廣矣通

典言隋太僕制如北齊則史所謂龍署者固亦有左右龍之分掌也至

驛驢牧置儀同都督等官則與今上駟院之設為卿職者亦髣髴相近

故並著焉

唐

〔舊唐書職官志〕殿中監尙乘局奉御二人從五品上直長一人正七品下奉乘十

八人正九品下司庫一人正九品下司廩二人正九品下書令史一人書吏十四人奉御掌

內外閑廐之馬辨其麤良而率其習馭直長為之貳一曰左右飛黃閑二曰左右吉良閑三曰

左右駒駘閑五曰左右駃騠閑六曰左右天苑閑開元時凡秣馬給料以

仗內六閑曰飛龍祥麟鳳苑鸚鵡吉良六羣等號六廐馬

時爲差凡外牧進良馬印以三花飛風之字而爲志奉乘掌稟秣出納獸

醫掌療馬病初尙乘局掌六閑馬後置內外閑廐使專掌御馬開元初以尙乘局隸閑廐使乃省尙乘其左右六閑及局官並隸閑廐

使領之也進馬舊儀每日尙乘以廐馬八匹分爲左右廂立于正殿側宮門外候仗下卽散若大陳設卽馬在樂懸之北與大象相次進馬二人戎

服執鞍侍立于馬之左隨馬進退雖各管殿中其實武職用資蔭簡擇如千牛備身天寶八載李林甫用事罷立仗馬亦省進馬官十二載楊國忠

當政復立仗馬及進馬官乾元復省上元復置也

〔通典〕隋置尙乘局唐因之增置奉御四人龍朔二年改爲奉駕大夫咸

亨元年復舊掌六閑馬開元中減二人先是別置廐使因隸焉猶屬殿中武后萬歲

通天二年五月置仗內閑廐令殿中丞袁懷哲檢校至聖曆二年改爲少監閑廐使自後他官相循爲之直長隋置十四人唐

減四人

〔雍錄〕飛龍廐後苑有驥德院所韋后入飛龍廐蓋自元武門出宮入

廐也

〔玉海〕貞觀十三年三月吉良廐產白馬朱駿

謹案山海經犬戎之國有文馬縞身朱鬣目若黃金名曰吉彊彊或乘良

之壽千歲唐有左右吉良閑義昉于此

〔冊府元龜〕肅宗至德二年詔園苑內有閑廐使總監各據所管地界耕種收草粟以備國馬○代宗大曆十四年復置廐馬隨仗於月華門○文宗開成元年以飛龍使馬二百匹賜京兆府充給諸驛○四年飛龍進請監牧馬一歲馬二千七百匹

謹案自秦漢以來馬政皆主于太僕惟東晉宋齊或省太僕則以隸于門下至梁陳仍以太僕卿主之其驛驢廐之改隸殿內省自隋始而唐則仍之但隋改驛驢爲尙御尙由殿內以隸于門下省唐則殿中自爲立省不隸門下于是御馬之制既不復繫屬於太僕門下而專爲殿中省之專司與今日上駟院之專隸于內務府者法意較爲相近唐又嘗置閑廐使屬殿中而以尙乘奉御隸之又嘗罷尙乘而以內外閑廐使專主其事總之皆爲殿中之屬稍有變更而其制不大相殊也至其後領閑廐者多爲左右親暱之人不必盡以殿中掌領于是有控鶴監有

控鶴左右監後改爲天驥府又改爲奉宸大夫見通典則非經常之制不足備列至文宗時又有飛龍廐使不言所隸何省蓋亦專司御馬之職也

五季

〔冊府元龜〕後唐明宗卽位以康福爲飛龍使○長興元年分飛龍廐爲左右以小馬坊爲右飛龍院○後周顯德二年詔飛龍院馬有病患老弱可送同州沙苑監衛州牧馬監以盡其飲齧之性

謹案五季廢省諸卿殿中奉御之職皆所不設惟飛龍使仍唐之舊爲御馬之職冊府元龜又載天成二年宰臣任圜奏藩牧臣寮每正至慶賀例皆進馬備乘奉于帝車資駟駿於天廐道途之役護養爲難請改貢綾絹金銀隨土產折進馬之直兼請別選孳生馬分置監牧敕從之是天成以後供奉之馬亦並散隸於諸牧監中矣

宋

〔馬端臨文獻通考〕宋太僕寺邦國廐牧之政令分隸羣牧司騏驥院本寺但掌天子五輅元豐改官制置卿少卿丞主簿掌車輅廐牧馬政之令所隸官司騏驥院左右天駟監掌養國馬鞍轡庫掌御馬鞍轡及給賜臣下上下監掌治療馬病元祐初置左右天廐坊紹聖初置孳生監中興後廢太僕併入兵部○宋有羣牧司制置使以樞密使副為之掌內外廐牧之事周知國馬之政而察其登耗左右騏驥院勾當官各三人以諸司使副及內侍充掌牧養國馬以供乘輿及頒賜王公羣臣蕃夷之用天駟左右四監監官各一人左右天廐坊監官各一人牧養上下監官各一人並以三班使臣充○兵部駕部建炎三年併太僕寺隸焉太僕有騏驥車輅

五二院

左右騏驥院監官二員以武臣充掌司國馬總教駿四指揮之衆以養餼諸馬

○宋制殿中省尙乘歸騏驥

院內鞍轡庫

宋會要左右飛龍院興國五年改名天廐院雍熙二年十月丙辰改為左右騏驥院左右各領天駟二監天廐一坊舊制國馬之政皆騏驥二院監

官專之

〔謹案宋御馬之掌始終更易凡三其初爲羣牧司制置使所轄有左右
騏驎院天駟左右四監左右天廐坊等官則並掌於樞密院副使元豐
定官制以後始改隸于太僕寺卿官屬有十而騏驎等院隸焉中興以
後又廢太僕改隸于兵部之駕部有騏驎車輅二院然職司雖存月遣
司官一至而已是始終三變而其職益輕也其他則有河南飛龍院大
五名養馬務諸職蓋皆羣牧司之所掌至于殿中省六尙之局獨裁去尙
乘而以其事歸騏驎院此與前代互異之大概也

遼

〔遼史百官志〕遼北面著帳官承應小底局習馬小底○諸廐官尙廐使
尙廐副使○飛龍院飛龍使飛龍副使○總領內外廐馬局總領內外廐
馬○南面官殿中司尙乘局奉御

謹案遼有諸路羣牧使司職主馬政爲今太僕寺之掌其北面官之尙

殿飛龍等使自為御馬之職而總領內外殿則又總其事而兼轄之者也南面又有太僕寺官但既有殿中司之尚乘局則太僕寺所掌自不與御馬相關故不復載焉

金

〔金史百官志〕殿前都點檢司尚殿局提點正五品副使從六品掌御馬調習牧養以奏其事大定二十九年添副使一員管小馬羣直長一員司馬牛羣掌殿都轄

正九品不限員數資考副轄從九品不限員數資考

謹案金代馬政皆轄于羣牧司唯尚殿局提點屬于殿前都點檢猶前代殿中奉御之職蓋用遼制而名之曰尚殿也其所掌為御馬之調習牧養而併供其事是正今日上駟院之職也

元

〔元史百官志〕太僕寺秩從二品中統四年設羣牧所至元十六年改尚牧監十九年又改太僕院二十年改衛尉院二十四年罷院立太僕寺又

別置尙乘寺以管鞍轡而本寺止管阿都齊

滿洲語牧馬人也原
作阿塔思今改正

馬

〔蘇天爵經世大典序錄〕太僕典御馬太廟祀事及諸寺影堂用乳酪則供牝馬駕仗及宮人出入則供上乘馬供上及諸王百官捫乳取黑馬乳以奉王食謂之細乳諸王百官者謂之粗乳

謹案元史所載馬政官制頗爲簡略其太僕寺由羣牧所改設而兼典御馬是今太僕上駟二職在元皆爲太僕寺之掌今故與太僕寺篇互見至尙乘寺特設爲卿而專管鞍轡近於今鑾儀衛武備院之職茲故不復載焉

明

〔明史職官志〕宦官十二監御馬監掌印監督提督太監各一員騰驤四衛營各設監宮掌司典簿寫字駑馬等員象房有掌司等員

〔明會典〕馬政有太僕苑馬寺專理而統於兵部若內廄馬匹則領於御馬監部寺不得與云

〔王圻續文獻通考〕吳元年設御馬司司正正五品副從五品洪武二年置御

馬司正一人副二人十七年御馬監設令一人正七品丞一人從七品司牧局

設大使一人正九品皆於內官內選用二十八年御馬監設太監一人正四品

左右少監各一人從四品左右監丞各一人正五品典簿一人正六品又設長隨

奉御正六品

謹案列代御馬之名其沿革皆可詳考自成周時王馬掌於校人十有

二閑上應天駟其職重矣秦漢以後皆立太僕以專其政則王馬國馬

咸並掌之而漢之橐泉未央及水衡之六廄孳牧漸廣當時任其職者

皆以士大夫親近用事者為之與衛尉少府並重後漢省六廄惟置未

以央一廄又兼主乘輿車輅其馬政視前漢為較省自魏有驛驢廄而晉

以下因之其後遂為門下之職與太僕之龍廄並列至隋而始立尙乘

奉御專屬於門下之殿內省至唐而殿中監尙乘局并為特設又不與

門下相屬而太僕遂不復主御馬之政宋之騏驥天駟院由羣牧司而

改隸太僕由太僕而改隸兵部而羣牧司之勾當官已有以內侍充其職者矣遼金尙殿諸使或領于北面著帳官或領于殿前都點檢司而元則仍歸其職于太僕此列代建置之大概也迨至明代兵部太僕寺苑馬寺皆有牧場孳育而御用之馬則別設內監專以宦官主之凡諸調習供奉士大夫不得與聞其事蓋自明初定制已然其於成周綴衣虎賁休茲知恤侍御僕從罔非正人之義渺無復存視列代之列於卿監掌於朝官者法制皆爲不逮矣我

朝初改御馬監爲阿敦衙門後易爲上駟院定爲三品卿職設郎中員外主事等官以分司其職而仍統之以大臣所以慎重閑駟馴養而服習之法制至爲詳備云

欽定歷代職官表卷三十九

文法備至微翰精至三治書及各一

生事轉官以分同其職而分職之以及大臣也以重閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣閣

欽定歷代職官表卷四十

內務府奉宸苑表

事主	郎外員中郎苑宸奉	卿苑宸奉		三代秦
	下中圍 士士人			漢
	都水令鈎 丞尉丞盾	都尉	水衡	後漢
	丞丞令鈎 丞安丞盾	都尉	水衡 都尉	三國
	令鈎 盾		水	晉
				宋齊
				北魏
	令鈎 盾			北齊
	下中掌掌 士士圍圍			後周
	令鈎監苑 丞盾副		苑總	隋
	令鈎監苑 丞盾副		苑總	唐
				五季
	官勾後當司 當苑官勾苑	官舉苑四 監提園		宋
		監袞署上 都詳林		遼
	丞司官 令苑			金
				元
	局司監副苑上 苑丞監林	正苑上 監林		明

各園苑中郎外員主事

苑丞副

園中人
中士
下士

司獸

上林苑令
御蓋苑令
禁圃苑令
輯濯苑令
等令
衡司官
水都司
空都司
泉都司
林都司
水都司
林都司
水都司

上林苑丞
御蓋苑丞
禁圃苑丞
輯濯苑丞
等丞
衡司官
水都司
空都司
泉都司
林都司
水都司
林都司
水都司

靈芝苑令
園監
上苑令

武元苑丞
武元苑丞

華林苑令

上苑丞
樂游苑丞
北苑丞

上苑令

清華苑令
華林署
上苑令

清華苑丞
華林署丞
上苑丞

華林署
上苑署
林署
令苑
面監

華林署丞
上苑署丞
林署丞
令苑丞
面監丞

上苑署
林署
諸園署
監副

上苑署丞
林署丞
諸園署丞
監副丞

丞

上林署
提令
點木
花都
局同
監同
監同
同樂
園管
勾管

上林署丞
提令丞
點木丞
花都丞
局同丞
監同丞
監同丞
同樂丞
園管丞
勾管丞

上苑署
林署
勾園令

上苑署丞
林署丞
勾園令丞

良牧署
蓄育署
林衡署
嘉蔬署
四署
典署
署丞

珍做宋版印

內務府奉宸苑

二入主事一人委署主事一人 雍正三年設

國朝官制

奉宸苑兼管事務內大臣無定員卿二人

正三品由侍衛補授一人內務府司官補授一人

掌總理苑園事務及本苑職官遷授陞除之事初

景山

瀛臺事務屬尙膳監康熙十年以內務府總管管理十六年歸併都虞司二

十三年設立奉宸苑仍以內務府總管管理印信雍正六年設奉宸苑堂

官定為三品卿職乾隆十四年定為卿二人所隸有

景山

瀛臺長河

玉泉山稻田廠

南苑

圓明園

暢春園

清漪園等處事務

郎中二人員外郎四人主事一人委署主事一人苑丞十三人

初正八品乾隆三十六年定為

六品職銜
食八品俸筆帖式十五人

玉泉山稻田廠庫掌一人

正六品筆帖式三人

郎中主事掌本苑題奏咨行補授職員之事員外郎掌分管各處園囿河

道事務苑丞掌看守直宿陳設器皿之事稻田廠庫掌辦理稻田蒔種

儲藏之事郎中康熙三十三年設一人乾隆十六年設一人員外郎主事

康熙二十三年設委署主事四十年設雍正十二年裁乾隆二十二年仍

設初設催總二人雍正二年以後陸續增設乾隆十七年改名總領二十

四年改為苑丞筆帖式

國初以來先後增置

南苑郎中一人員外郎二人主事一人委署主事一人苑丞三人苑副六人

正八

品
筆帖式五人

郎中員外郎主事掌本苑官職陞除及分管九門草甸圍牆樹木牲獸之事苑丞苑副掌看守直宿陳設器皿諸事初屬內監管理順治十八年屬採捕衙門康熙二十三年歸併奉宸苑員額順治十八年以來先後增設

圓明園管理事務大臣無定員郎中一人協理事務郎中一人主事一人委署

主事一人苑丞六人六品苑副十七人七品五人八品六人九品六人筆帖式九人掌庫二人六品

一人七品一人

長春園熙春園綺春園春熙院管理事務員外郎一人苑丞三人六品二人七品一人苑

副九人七品八品九品各三人筆帖式四人

暢春園管理事務郎中一人苑丞四人六品一人七品三人苑副六人署苑副十六人筆

帖式六人

清漪園靜明園靜宜園管理事務員外郎各一人苑丞九人正六品苑副十人七品

八人八筆帖式四人學習筆帖式二人催長二人八品一人未

郎中員外郎等官分掌園庭事務職守與本苑司官同

圓明園額雍正三年以來先後置設

暢春園額康熙年間定

清漪園額乾隆十六年以來陸續增定

織染局員外郎無定員由總管大臣奏委司庫一人筆帖式三人庫使六人司匠二人

領催二人

掌織造

上用段紗染綵繡繪之事順治十八年設康熙三年歸內務府管理乾隆十

六年移織染局於

萬壽山初設員外郎一人乾隆十六年裁以

萬壽山總理大臣兼管其辦事員外郎由該大臣奏委司庫以下員額康熙

三年以後陸續增定

歷代建置

三代

〔周禮地官〕囿人中士四人下士八人府二人胥八人徒八十人掌囿游

之獸禁〔鄭康成注〕囿游囿之離宮小苑觀處也養獸以宴樂視之禁者其蕃衛也牧百獸〔注〕備養衆物也今掖庭有鳥獸自熊虎孔

雀至於狐狸覺鶴備焉〔賈公彥疏〕古謂之囿漢家謂之苑

〔周禮天官〕闈人王宮每門四人囿游亦如之〔注〕囿御苑也游離宮也

〔詩大雅靈臺〕王在靈囿麇鹿攸伏麇鹿濯濯白鳥翯翯王在靈沼於物

魚躍〔毛萇傳〕囿所以域養禽獸靈囿言靈道行於囿也

〔晉語〕文王詢於八虞〔注〕周八士皆在虞官伯達伯适仲突仲忽叔夜

叔夏季隨季騮

〔賈誼新書〕騮者文王之囿虞者囿之司獸然則文王同囿之官實各異

謹案天文志言天苑十六星在昴畢南爲天子之苑圍劉向說苑有黃

帝卽位鳳集東園之文淮南子泰族訓云湯初作園以奉宗廟簡士卒

習射御戒不虞蓋苑囿之由來久矣苑囿既設則必立官以司之此周

禮園人之所爲制也園游之禁屬地官而闈人每門四人仍屬於天官蓋牧養禽獸之苑皆必有離宮禁宇以爲游息之所故嚴其門禁而特置闈人所以重其職掌也考周園莫著於靈臺而騶虞之詩漢初諸儒或以爲園騶之虞官是司獸而非卽獸也然則文王司園之官實名爲虞晉語文王詢於八虞是其證也考詩正義引詩譜堯時有伯翳者實皋陶之子佐禹治水土旣平舜命作虞官掌上下草木鳥獸然則堯時已有虞官不始於文王矣文王仍襲虞官舊名至成王時而始名爲園人其說蓋可並存之以備參考焉

〔周禮天官〕染人下士二人府二人史二人徒二十人掌染絲帛凡染春暴練夏纁玄秋染夏冬獻功掌凡染事○典絲下士二人府二人史二人買四人徒二十人掌絲入而辨其物以其買楬之

〔周禮地官〕掌染草下士二人府一人史二人徒八人掌以春秋斂染草之物以權量受之以待時而頒之

謹案列代皆有織染之官而實始於成周之典絲染人蓋黼黻絺繡玄纁織縞自禹夏時已重其章采而設官則始見於周時我

朝內府廣儲司之六庫已有衣段織造等官而內織造局特移設於

萬壽山設員外郎等職而總轄於園苑大臣蓋因地設宜實爲

聖朝之規制故詳序列代織染之官於篇中而仍以成周之染人爲始焉

秦

〔韓非子〕秦應侯請曰五苑之草著蔬菜橡果棗粟足以活民請發之

〔左傳〕鄭有原圃猶秦之有具囿

〔三輔黃圖〕漢上林苑卽秦之舊苑也

〔長安志〕上林苑本秦舊苑也

〔雍錄〕東方朔傳曰武帝東游宜春師古曰宜春宮也在長安城東南上

林賦曰息宜春師古曰宮名在杜縣東卽唐曲江也揚雄傳武帝東游宜

春師古曰宜春近下杜也史記秦紀曰子嬰葬二世杜南宜春苑司馬相

如從武帝至長楊獵還過宜春奏賦以哀二世其賦曰臨曲江之隍州望南山之參差師古曰曲岸之洲曲江也故賦末云弔二世持身之不謹兮墓蕪穢而不修也參數者言之則二世之所葬相如之所賦漢之曲洲唐之曲江皆此下杜之宜春也下杜卽杜縣曲江宜春去杜縣近去下杜遠此凡及曲江宜春宮皆云下杜當是地屬下杜不屬杜陵耶其苑若宮皆秦創而漢唐因之也

〔杜佑通典〕秦置平準令掌知物價及主練染作彩色

秦
謹案秦苑囿之官史傳未見韓非子載秦有五苑亦未詳其何名惟左傳載秦之具囿三輔黃圖長安志載秦之上林苑雍錄載秦之宜春苑今摭錄以存其大概秦平準令兼主練染爲後世染令之所由昉故首列之

漢

漢書百官公卿表少府屬官上林中十池監又鈎盾令丞

謹案三輔黃圖上林苑有初池麋池牛首池蒯池積草池東陂池西陂池當路池太臺池郎池即百官公卿表所云上林中十池也而初學記又云漢上林有池十五所承靈昆靈天泉龍魚蒯菌鶴西陂當路東陂太一牛首積草舍利百子三輔黃圖不載承靈昆靈天泉龍魚菌鶴太一舍利百子初學記不載初池太臺池各有異同至漢表但載十池監其十五所或以十監統之歟

〔漢書張釋之列傳〕從上登虎圈問上林尉禽獸簿不能對虎圈嗇夫從旁代尉對甚悉文帝詔釋之拜嗇夫爲上林令釋之以爲不可乃止不拜

〔漢書百官公卿表〕水衡都尉應劭曰古山林之官曰衡掌諸池苑故稱水衡張晏曰主都水及上林苑故曰水衡

主諸官故曰都有卒徒武事故曰尉師古曰衡平也主平其稅入武帝元鼎二年初置掌上林苑有五丞

屬官有上林均輸御羞禁圍輯濯鍾官技巧六廩辨銅九官令丞如淳曰御羞地

名也在藍田其土肥沃多出御物可進者揚雄傳謂之御宿三輔黃圖御羞宜春皆苑名也輯濯船官也鍾官主鑄錢官也辨銅主分別銅之種類

也師古曰御羞在今長安城南御宿川羞宿聲相近故或曰御羞或曰御宿羞者羞珍所出宿者止宿之義輯濯皆所以行船也六廩說見上駟院

篇 又衡官水司空都水農倉又甘泉上林都水七官長丞皆屬焉上林有
八丞十二尉均輸四丞御羞兩丞都水三丞禁圃兩尉甘泉上林四丞成
帝建始二年省技巧六殿官王莽改水衡都尉曰予虞○步兵校尉掌上
林苑門屯兵

謹案三輔黃圖御宿苑在長安城南御宿川中漢武爲離宮別館禁禦
不得人往來游觀上宿其中故曰御宿御羞之當作御宿黃圖疏義甚
明故漢書元后傳夏游御宿鄂杜之閒亦作御宿可證羞宿之以音相
誤也

〔史記平準書〕初大農筦鹽鐵官布多置水衡欲以主鹽鐵及楊可告緡
錢上林財物衆乃令水衡主上林

〔三輔黃圖〕舊儀曰上林有令有尉禽獸簿記其名數又有上林詔獄主
治苑中禽獸宮館之事屬水衡

謹案漢制少府有上林十池監文帝時有上林尉虎圈嗇夫至武帝別

設水衡都尉專主上林苑設官遂以漸廣考水衡所掌不獨園苑自禁
錢農倉珍羞廩牧鼓鑄皆其職守而統係之以上林苑苑職有水衡卿
諸令丞而又有步兵校尉掌苑門之屯兵至少府之鈎盾令主近苑園
則以近在宮門左右故不隸水衡我

朝定制內外苑園皆設司官專理而統之以奉宸苑卿蓋合漢少府水衡
所屬而歸於一職也

〔王應麟玉海〕織染署漢織室掌供冠冕組綬

謹案自隋代合織室染署爲一官在漢則東西織屬少府平準屬大農
其職不相兼理蓋亦沿秦之舊制也

〔後漢書百官志〕少府屬官鈎盾令一人六百石本注曰宦者典諸近池
苑園游觀之處丞永安丞各一人三百石本注曰宦者永安北宮東北別
小宮各有園觀苑中丞果丞鴻池丞南園丞各一人二百石本注曰苑中
丞主苑中離宮果丞主果園鴻池池名在雒陽東二十里南園在雒水南

濯龍監直里監各一人四百石本注曰濯龍亦園名近北宮直里亦園名也在雒陽城西南角

〔通典〕鈎盾令宦者典諸近園苑游觀之事屬少府後漢亦有之

〔張衡東京賦〕奇木珍果鈎盾所積

謹案昭帝紀耕鈎盾弄田弄田屬之鈎盾則以鈎盾主苑園故也成帝紀云未央宮鈎盾中則鈎盾在未央宮矣故五行志謂鈎盾禁中也陳咸傳咸爲少府少府多寶物咸皆鈎校官屬及諸中宮黃門鈎盾掖庭官吏舉奏按論畏咸皆失氣鈎盾與黃門諸官並舉則以其在未央宮切近之地也後漢志鈎盾令其所屬有鴻池丞鴻池在雒陽東二十里南園丞南園在雒水南有直里監直里園在雒陽城西南角鈎盾之兼轄諸地蓋令居禁中統遠近也

〔後漢書百官志〕上林苑令一人六百石本注曰主苑中禽獸頗有民居皆主之捕得其獸送太官丞尉各一人

〔通典〕後漢平準令丞隸入司農熹平四年改平準爲中準使宦者爲之列於內署自是諸署悉以閹人爲令丞

謹案後漢罷水衡都尉之官置上林苑令屬之司農爲歷代上林令之所自昉而少府鈎盾令之所統轄視西漢爲頗廣蓋水衡雖廢而其職掌則未嘗不存至平準之改爲中準以宦者爲之則又少變前漢之法度也

三國

〔通典〕魏官第四品都水使者第七品都水參軍靈芝園監第八品都水使者令史第九品都水使者書令史

〔唐六典〕上林苑令主苑中禽獸魏因之

〔通典〕漢之水衡都尉本主上林苑魏氏主天下水軍舟師器械○魏少府屬官有平準令

謹案魏苑囿置官承漢之舊亦名之爲上林苑令至漢之水衡都尉始

改爲都水使者主水軍舟船器械不專以苑囿爲職自是而後都水一官始別爲河渠水利而設矣鈎盾令於魏無聞其平準之屬少府則猶漢制也又考魏都賦苑以玄武陪以幽林注云玄武苑在鄴城西又魏志文帝黃初四年冬甘露降芳林園臣松之案芳林園卽華林園齊王芳卽位改爲華林故晉書百官志有華林苑令鄴玄武苑丞皆承魏苑囿之名而設令丞豈魏本自有華林玄武令丞而晉因之乎抑魏之華林玄武亦統攝于上林苑令乎又考吳都賦數軍實乎桂林之苑注吳有桂林苑南朝宮苑記桂林苑在洛星山之陽南苑在臺城南鳳凰山然則吳又有桂林苑南苑之名當時必有苑官今不可考矣

晉

〔晉書百官志〕光祿勳統華林園等令○大鴻臚統華林園鈎盾等令又有鄴玄武苑丞○少府統平準等令

〔通典〕上林苑丞晉因之江左無聞

謹案晉志園苑之職光祿鴻臚皆有華林園令鴻臚又有鄴玄武苑丞而瓊圃靈芝等園不與焉蓋皆統轄于華林令也通典又稱上林苑令晉與漢同而史志無之意卽華林之誤稱歟

宋齊梁陳

〔宋書百官志〕上林令一人丞一人漢西京上林中有八丞十二尉十池監丞尉屬水衡都尉池監隸少府漢東京曰上林苑令及丞各一人隸少府晉江左闕宋世祖大明三年復置隸尙書殿中曹及少府○平準令一人丞一人掌染漢隸司農不知何世隸少府宋順帝卽位避帝諱改曰染署

〔通典〕上林苑令丞宋初復置齊因之○平準令宋惟掌染改曰染署齊又曰平準

〔隋書百官志〕梁制司農卿視散騎常侍主上林令又管樂游北苑丞○光祿卿統華林等令

〔通典〕上林苑令丞梁陳屬司農○平準署梁陳則曰平水令丞○晉大鴻臚有鈎盾令自後無聞

謹案晉江左無上林苑令丞至宋初復設而齊梁陳因之唯宋齊則統于殿中監及少府梁陳則屬于司農斯爲小異諸代皆有華林苑令梁屬光祿與晉制同以梁制推之知齊陳之皆屬光祿矣宋改平準爲染署梁陳則復其舊要皆司農之屬官也

北魏

〔洛陽伽藍記〕建春門內御道南有鈎盾典農藉田三署

謹案後魏官氏志有光祿鴻臚司農少府等官而不詳其所領之屬鈎盾署僅見於洛陽伽藍記而苑令織染諸署皆不見于史考隋書百官志言北齊制官多循後魏則齊之所有當亦魏之所有今以史無明文故並缺之

北齊

〔隋書百官志〕後齊光祿寺統清漳華林等署諸令丞○司農寺掌園地果實統平準太倉等署諸令丞○太府寺統司染等署諸令丞

〔通典〕北齊官正六品平準署令從九品華林署令

〔唐六典〕上林苑令梁陳屬司農北齊亦然

〔通典〕鈎盾令北齊如晉制

謹案北齊上林華林鈎盾等署與晉制皆同自魏廢少府立太府而少府屬官分在司農太府之屬齊蓋因之而不改也

後周

〔通典〕後周正四命冬官司色司織等下大夫正三命天官染工上士冬官小司色小司織等上士正二命天官染工中士地官掌禽掌圉掌圃等中士冬官織綵織組等中士正一命地官掌圉掌圃等士冬官織綵織組等下士

謹案後周設官用周制故掌圉掌圃屬于地官染工屬于天官其以司

色司織屬冬官者則以考工記有攻皮之工設色之工故從而隸之今以其與織染相近故並採錄焉

隋

〔隋書百官志〕司農寺統平準鈎盾華林上林等署令丞後罷華林署以平準隸太府○太府寺統司染署令丞後分入少府○少府監統司織司染等署後併司織司染爲織染署

〔唐六典〕鈎盾令隋如北齊

〔通典〕苑總監自隋而置東西南北各有監及副監掌苑內宮館園池之事

謹案隋於上林華林諸署外又設苑總監副監分東西南北四面監此因事增設前代所未有也隋又有都水臺承漢之水衡都尉而設其所掌舟楫河渠不主園苑之務故不復錄少府之司織司染併爲織染署自是而平準令專主管市易不復掌染故隋以後亦不更列焉

唐

〔唐書百官志〕司農寺上林署令二人從七品下丞四人從八品下掌苑

園池植果蔬以供朝會祭祀及尚食諸司常料季冬藏冰千段先立春

三日納之冰井以黑牡秬黍祭司寒仲春啓冰亦如之監事十人有府七人史十人

四人典事二十四人掌固五人鈎盾署令二人正八品上丞四人正九品上監事十人掌

供薪炭鵝鴨蒲蘭陂池藪澤之物以給祭祀朝會饗燕賓客有府七人史十四人典事

十七人掌固五人○慶善石門溫泉湯池等監每監監一人從六品下丞一人正

七品下掌湯池宮禁防堰及侍粟芻修調度以備供奉王公以下湯館視

貴賤為差凡近湯所潤瓜蔬先時而熟者以薦陵廟有錄事一人府一人史二人掌固四人

京都諸宮苑總監監各一人從五品下副監各一人從六品下丞各二人

從七品下主簿各二人從九品下掌苑內宮館園池禽魚果木凡官屬人

畜出入皆有籍有錄事各二人府各八人史各十六人獸醫各二人京都諸園苑監苑

四面監監各一人從六品下副監各一人從七品下丞各二人正八品下

掌完葺苑面宮館園池與種蒔蕃養六畜之事

顯慶二年改青城宮監曰東都苑北面監明德宮監

曰東都苑南面監洛陽宮農圃監曰東都苑東面監倉貨監曰東都苑西面監有錄事各一人府各三人史各六人典事各六人掌固各六人九

成宮總監監一人從五品下副監一人從六品下丞一人從七品下主簿

一人從九品上掌修完宮苑供進鍊餌之事

有錄事一人府三人自監以下品同宮苑武德初改隋仁

壽宮監曰九成宮監

長安志禁苑在宮城之北長安故城亦隸苑中有四面監南面為長樂監北面有漢故城謂舊故宅監東西面各以本方為名分掌宮中種植及修葺園苑等又置苑總監都統之皆隸司農寺

〔唐書百官志〕織染署令一人正八品上丞二人正九品上掌供冠冕組

綬及織紅色染錦羅紗縠綾紬純絹布皆廣尺有八寸四丈為疋布五丈

為端綿六兩為屯絲五兩為鈎麻三觔為縵凡綾錦文織禁示於外高品

一人專莅之歲奏用度及所織監作六人

有府六人史十四人典事十一人掌固五人

〔雍錄〕唐大內有三苑西內苑也東內苑也禁苑也三者皆在兩宮之北

而有分別西內苑並西內太極宮之北而東內苑則包大明宮東北兩面也兩內苑北門之外始爲禁苑之南門也禁苑也者隋大興苑也其西則漢之長安四城皆在包并之內苑東距霸而北抵渭廣輪所及自周一百二十里而東西二十七里南北三十二里據所記如此若以漢地約其道里當不啻此數也中置四監監分領一方凡立四宮四局以監之北軍營衛盡在三苑四監封畛之內

謹案唐承隋制有京都諸宮苑總監副監京都諸園苑監四面監及副監其曰宮苑者蓋指禁近苑務言之園苑則自都城以至東都各園苑皆分主之而上林署令鈎盾署令及織染署則並仍前代之舊焉

五季

謹案五季官制缺略玉海所載後唐有永芳園周有玉津園既有諸園則其必嘗置令置使以監理之可知也以史無明文故缺

宋

〔宋史職官志〕司農寺所隸官屬園苑四玉津瑞聖宜春瓊林苑使掌種植蔬蒔以待供進修飭亭宇以備游幸宴設

謹案宋職官志載園苑四曰玉津曰瑞聖曰宜春曰瓊林而石林燕語載瓊林苑金明池宜春苑玉津園謂之四園獨不及瑞聖職官志亦不載金明池豈金明池在瓊林苑北亦統于瓊林苑使故職官志不復載歟

〔馬端臨文獻通考〕宋四園苑提舉官以三司判官內侍都知諸司使以上充監官各二人以諸司副或內侍三班使臣充又有西京宮苑司勾當官一人元豐後四園苑屬司農

〔玉海〕玉津園在南薰門外周顯德中置之本朝因之三班及內侍監領兵校隸及主典二百六十人瓊林苑在順天門外道南乾隆二年置以三班及內侍監領池苑兵校軍隸及主典三百三十三人宜春苑在朝陽門外道南本秦王園太平興國七年以迎春苑自通津門外汴水瀕乃遷置

改名以其故地爲富國倉差三班及內臣監領軍校兵隸及主典凡二百九十人瑞聖園在景陽門外道東初爲北園太平興國二年詔名舍芳以三班及內侍監領軍校兵隸及主典凡二百一十二人

謹案玉海又載祥符元年三月甲子上巳宴近臣於潛龍園宗室於瓊林苑帥臣於宜春苑三司副使判官館閣官于玉津園諸司使副於舍芳園然則祥符時于四園之外又增潛龍園史不詳其建置然觀宴近臣於其地則較之瓊林宜春玉津瑞聖爲尤重矣疑亦當以三班內侍領之也

〔宋史職官志〕後苑勾當官無定員以內侍充掌苑園池沼臺殿種藝雜飾以備游幸

〔文獻通考〕少府屬官染院掌染絲帛幣帛監官二人以京朝及內侍充謹案宋有玉津瑞聖宜春瓊林四園置提領其餘皇城東西諸園池入宮者咸以四提領分隸焉初以三班及內侍充元豐後始改隸司農而

亦仍間以內侍領之至內侍省則又別有後苑勾當官主近苑園以備
游幸蓋漢以來鈎盾令之職也南渡後又有金果玉津聚景等園其設
官亦皆領于內侍至染院領于少府亦猶前代之制也

遼

〔王圻續文獻通考〕上林苑署遼北面有監鳥獸詳袞蒙古語理事官也原作詳穩今改正

司官曰監某鳥獸詳袞曰監某鳥獸都監曰監某鳥人曰監某獸人

謹案遼南面官有宣徽司農少府等屬唯司農之上林署有監鳥獸諸
官近於苑職餘並未詳其南北面行宮都部署亦必各有園苑之職而
史無明文今已載入內務府都虞司篇中茲不複述

金

〔金史百官志〕工部官屬上林署提點從五品泰和八年勅大安二年省

令從六品掌諸苑園池沼種植花木果蔬及承奉行幸舟船事丞從七品

大定七年增一員分司南京以直長二員正八品花木局都監同監舊設
勾判兼之大定三年復省一員

接手官四人泰和元年罷復以諸司人內置都監同監二員貞祐三年罷都同監以同樂園管勾兼熙春園都監同監三員泰和四年置貞祐三年省同樂園管勾二員每年額辦課程隸南運司宣宗南遷罷課程改爲隨朝職正八品
○宣徽院官屬有宮苑司令丞

〔續文獻通考〕金上林署屬工部官曰上林署提點

〔金史百官志〕少府監官屬織染署令從六品丞從七品直長正八品掌織紅色染諸供御及宮中錦綺幣帛紗縠

謹案金以上林署屬工部而花木局都監同樂園管勾兼隸之皆前代司農之所屬也宮苑司令丞屬于宣徽與宋內侍省之後苑勾當官相彷彿金不設內侍省故以爲宣徽之屬耳太府寺有典給署史稱卽古之鈎盾令唯典給署專以供給宮府用物不與園苑相關故不著于篇焉

元

〔元史百官志〕大都留守司屬官上林署秩從七品署令署丞各一員直長一員掌宮苑栽植花卉供進蔬果至元二十四年置○花園管勾二員掌花卉果木至元二十四年置

〔續文獻通考〕上林署隸大都留守所屬有養種園花園等職

〔元史百官志〕宣徽院屬官安豐懷遠等處稻田提領所龍慶栽種提舉

司

謹案元制以上林署養種園花園等職屬之大都留守司與列代之制

屬于司農少府者不同至稻田提領栽種提舉屬于宣徽蓋即令

玉泉山稻田廠之比至諸路織染局織染提舉司則盡屬之工部已見內

務廣儲司織染篇茲不具述焉

明

〔明史職官志〕上林苑監左右監正各二人正五品左右監副各一人正六品

正監副後不常設以監丞署職左右監丞各一人正七品其屬典簿廳典簿一人正九品良牧

蕃育林衡嘉蔬四署各典署一人正七品 署丞一人正八品 錄事一人正九品 監

正掌苑園池牧畜樹種之事凡禽獸草木蔬果率其屬督其養戶栽戶

以時經理其養地栽地而畜植之以供祭祀賓客宮府之膳羞凡苑地東

至白河西至西山南至武清北至居庸關西南至渾河並禁圍獵良牧牧

牛羊豕蕃育鵝鴨鷄皆籍其牝牡之數而課孳卵焉林衡典果實花木嘉

蔬典蒔藝瓜菜皆計其町畦樹植之數而以時苞進焉洪武二十五年議

開上林院度地城南自牛首山接方山西並河涯 比圖上太祖謂有妨民業遂止永樂

五年始置上林苑監設良牧蕃育嘉蔬林衡川衡永鑑及典察左右前後

十屬署洪熙中併為蕃育嘉蔬二署以良牧川衡併蕃育冰鑑林衡併嘉蔬典察四署分併入 宣德十

年始定四署正德間增設監督內臣共九十九員嘉靖元年裁汰八十員

革蕃育嘉蔬二署典署林衡嘉蔬二署錄事

〔續文獻通考〕永樂五年三月辛巳復改上林署為上林苑監秩正五品

有左右副丞典簿之屬凡設十署秩正七品俱以內臣及文職相兼為之

後革內臣

〔明史職官志〕司苑局

掌印太監一員管理簽書監工無定員掌蔬菜瓜果

內織染局

掌印太監一員掌染造御

用及宮內應用段疋城西藍錠廠為此局外署

謹案明制大農太府少府等屬官皆裁併于六部不別設官惟上林苑

監承漢時舊制而特設為一司初設十署後定為四署而宦官別有司

苑局以主在內宮苑初制上林苑監督所署內侍至九十九員之多其

後雖旋從裁減而內苑局管理簽書亦無定員蓋禁近游觀掌于內侍

者居多此立法之所以不古若也考自周禮園人屬於司徒漢則少府

水衡分主其事至上林苑令之設隸於司農者自後漢始列代皆因而

不改苑總監始於隋而增廣於唐世然仍隸司農也宋始以三班及內

侍分主四園提領之職而明乃概以宦者領之則益無足稱矣

國朝創立奉宸苑內外

禁園專設卿二人以綜理其事復

特簡管理事務內大臣以總其成檢校勾當職掌昭然蓋卽苑囿之設而
聖天子順時對物之義已備著於設官分職之間矣

欽定歷代職官表卷四十

欽定歷代職官表卷四十一

內務府武備院表

武	三代秦	
	漢	武庫令
	後漢	武庫令
	三國晉	武庫令
	宋齊	武庫令
	北魏	
	北齊	武庫署令
	後周隋	武藏令 中大夫 軍器監
	唐	武庫令 軍器監 軍器使
	五季宋	軍器監 軍器坊使
	遼	軍器局提點使
	金	軍器局提點使
	元	武備使 寺卿 寺卿 少卿 少卿
卿	明	

歷代職官表 卷四十一

中華書局聚

郎外員庫氈	郎外員庫甲	郎外員庫鞍南
司大矢夫 弓下	司中司士夫下 戈士兵中大甲	
	令尙丞室考令若 丞方 令工丞盧	
	令尙令方令尙左 方丞方右	
	令尙令方令尙左 丞方右	
	令尙令方令尙左 丞方右	
	丞署尙左 令方右	
下中韋鞞 士士工工	士盾司下中司司下中上函鍛 下刀士士精甲士士十工工	
丞署弓丞署右 令弩 令尙	丞署館丞署右 令用 令尙	
丞署弩丞署右 令坊 令尙	丞署甲丞署右 令坊 令尙	
箭內 庫弓	箭弩軍鎗器案冑 庫劍器庫弓軍曹	
	副院左八令尙丞署武 使使右作丞方 令庫	
	領局刀 提子	寺尙提鞍羊 丞乘領局山
副局皮 使使作	甲局兵副局軍 廠盜仗使使器	副局鞍 使使轡

式 帖 筆 匠 司 掌 庫 司 各 矢 司 弓 司

弓廬梓矢函桃冶
人人人人人人人

中囊上繕士矢司
士人土人中人弓

下司士士矢司
士箭下中弓

府史

掌典監
固事作

主簿

錄掌典監
事固事作

主簿

令案提司吏
史牘控吏目

勾庫架承
管閣發

等細筋辨弓辨
官毛角驗官驗

珍做宋版印

內務府武備院

國朝官制

武備院兼管事務大臣無定員卿二人正三品由侍衛補授一人由內務府司官補授一人

掌總理陳設

御用武備修造器械及賞賜支放之事初名鞍樓以待衛三人員外郎等官掌

理順治十一年改爲兵仗局十八年改爲武備院康熙五年隸內務府十

五年分爲鞍庫甲庫氈庫共三庫三十七年分鞍庫爲北鞍庫南鞍庫雍

正三年侍衛三人定爲正三品卿職乾隆十四年定爲卿二人

郎中一人主事二人委署主事一人筆帖式二十八人內四庫各三人沙河氈作二人

掌本院題奏事件核銷錢糧總理四庫收發文移之事郎中康熙二十一

年設主事康熙十六年設委署主事六十一年設後省乾隆二十二年復

設

北鞍庫員外郎二人庫掌二人署庫掌一人傘房掌蓋三人初爲正六品乾隆四十四年定爲戴

藍署掌蓋三人正八品班領三人署庫掌一人帳房處司幄三人三等侍衛銜署

司幄三人六品職銜鞍板司匠一人

北鞍庫掌供奉

上用鞍轡繳蓋幄幕之事傘房帳房處鞍板作皆屬焉

南鞍庫員外郎二人庫掌二人署庫掌一人熟皮作司匠一人南鞍庫掌官用

鞍轡各項皮張兩縵綠帶之事熟皮作屬焉康熙十五年設鞍庫員外郎

等官三十七年分爲北南二庫四十二年添設員外郎二人初設掌傘帳

房頭目匠役催領等員乾隆二十四年改爲掌蓋司幄司匠員額均先後

增定

甲庫員外郎二人庫掌二人署庫掌一人鍍作司匠三人

甲庫掌盜甲刀仗旗纛器械之事鍍作屬焉員額康熙十五年以後陸續

增定

氈庫員外郎二人庫掌二人署庫掌一人司匠一人司弓三人六品職銜署司

食七品俸

署司

弓三人品俸司矢三人同司署司矢三人同署髀頭作司匠一人靴皮作司匠

一人

氈庫掌弓箭靴鞋氈片之事髀頭作靴皮作屬焉康熙十五年設員外郎及弓匠協領備箭協領等員乾隆二十四年弓匠協領改爲司弓備箭協領改爲司矢

歷代建置

三代

〔周禮天官〕幕人下士一人府二人史二人徒四十人掌帷幕幄帟綬之事

○掌次下士四人府四人史二人徒二十人掌王次之法以待張事

〔周禮夏官〕司甲下大夫二人中士八人府四人史八人胥八人徒八十

人○司兵中士四人府二人史四人胥二人徒二十人掌五兵五盾各辨

其物與其等以待軍事○司戈盾下士二人府一人史四人胥二人徒二

十人掌戈盾之物而頒之授旅賁及虎士戈盾及舍設藩盾行則斂之○

司弓矢下大夫二人中士八人府四人史八人胥八人徒八十人掌六弓四弩八矢之法辨其名物而掌其守藏與其出入天子之弓合九而成規凡師役會同頒弓弩各以其物從授兵甲之儀○繕人上士二人下士四人府一人史二人胥二人徒二十人掌王用弓弩矢箠贈弋決拾掌詔王射贊王弓矢之事○藁人中士四人府二人史四人胥二人徒二十人掌受財于職金以齎其工弓六物爲三等弩四物亦如之矢八物皆三等箠亦如之

〔周禮考工記〕冶氏爲殺矢桃氏爲劍函人爲甲矢人爲矢梓人爲侯廬人爲廬器弓人爲弓爲天子之弓合九而成規

〔杜佑通典〕武庫令丞於周官司甲司弓矢等下大夫司戈盾等中士下士蓋其任也

謹案成周有司甲司兵司弓矢司戈盾等官杜佑以爲漢武庫令之比至王之用弓弩矢箠掌於繕人授財齎工掌於藁人亦皆爲夏官之屬

唯幕人掌次屬於天官與今北鞍庫所屬之掌蓋司幄爲職相近其甲兵戈盾則似今之甲庫司弓矢亦與今氈庫之司弓司矢同而考工記所載諸工卽今四庫所隸之各司匠也周天官玉府掌王之玩好兵器凡獻兵器受而藏之內府云凡齒革兵器皆入焉秋官職金云入其金錫於爲兵器之用凡此諸職皆與軍器相聯而玉府內府已爲內務府廣儲之職職金所掌亦不止武備之事其所云爲兵器之府者卽在夏官司甲司兵等屬中茲故不具載焉

〔商子來民篇〕湯武旣破桀紂海內無害天下大定築五庫藏五兵

謹案周禮無武庫之名而商子稱湯武築五庫藏五兵則當時儲兵之府亦以庫名卽後世武庫所自昉也故淮南子原道訓云葉公入乃廢太府之貨以予衆出高庫之兵以賦民高庫卽五庫之類也管子小匡制重罪入以兵甲犀脅二戟輕罪入以蘭盾鞞革二戟小罪入以全鈎分宥簿罪入以半鈎無坐抑而訟獄者正三禁之而不直則入一束矢

以罰之美金以鑄戈劍矛戟試諸狗馬惡金以鑄斧鉏夷鋸鑄試諸土
木其云入兵甲犀脅二戟又云入蘭盾韜革二戟又云入鈎金束矢皆
當入五兵之庫矣其云美金以鑄戈劍矛戟則當如漢考工若盧之主
作兵器也又考司馬法定爵篇云右兵弓矢戣矛守戈戟助凡五兵
五當長以衛短短以衛長註云五兵弓矢戣矛戈戟也蓋兵器衆多而
以五兵爲最要故五兵各設一庫商子所謂五兵五庫蓋謂此也周禮
夏官司兵掌五兵五盾各辨其物與其等以待軍事然則五庫長吏當
卽司兵之屬矣

秦

〔戰國策〕天下之強弓勁弩皆自韓出谿子少府時力距來皆射六百步
之外注韓有谿子弩又有少府所造二種之弩

謹案戰國策注謂二種之弩造自少府則秦之少府當如漢之考工尙
方矣漢少府屬官有考工尙方猶其遺制

漢

〔漢書百官公卿表〕少府屬官有若盧如淳曰若盧官名也藏兵器品令

注有若盧獄令主考工室臣瓚曰冬官為考尚方漢官儀尚方令掌工作

治庫兵將相大臣工主作器械也刀劍諸物及刻玉為器

等令丞○中尉屬官有武庫令丞

謹案漢書如淳注謂若盧藏兵器臣瓚注謂考工主作器械則是考工

主作而若盧主藏也然後漢百官志注及玉海謂考工令主作兵器弓

弩刀鎧之屬器成則傳金吾入武庫是考工兵器既藏若盧又藏武庫

也考漢書左將軍請召王商詣若盧詔獄孟康曰黃門北寺也黃門在

禁中則若盧亦當在禁中武庫既屬中尉或與若盧有內外遠近之殊

歟又考若盧有獄攷工亦有獄漢書劉輔傳共工獄蘇林曰考工也然

則考工亦有獄矣考工若盧皆主兵械易匿不詭法令尤密故置獄歟

又考工主作兵器尚方亦主作兵器故漢書劉更生典尚方鑄作事韓

延壽鑄刀劍鉤鐔放效尚方六典注蔡倫和帝時為尚方令作祕劍皆

其事也然尙方又兼作禁器故古今注尙方故事有司南記里鼓漢書哀帝罷尙方御府技巧靡麗之物呂強上疏亦謂中上方斂諸郡之寶故漢官儀以尙方掌作刀劍諸物及刻玉爲器而崔實尙方令箴比諸古之玉府也蓋較諸考工所造彌巧而所聚百珍尤非外府可擬矣今之養心殿造辦處職近于是故與內務府表互載焉

〔史記平準書〕武帝時邊兵不足乃發武庫工官兵器以贍之

〔通典〕武庫署令兩漢曰武庫令屬執金吾

謹案漢杜欽爲大將軍武庫令田千秋子爲洛陽武庫令武庫令屬之洛陽與若盧之屬禁中顯異若大將軍武庫令則又武庫之屬於大將軍者蓋其職不常置故表志不載爾

〔漢書高帝本紀〕七年蕭何治未央立武庫太倉

〔王應麟玉海〕漢武庫屬中尉執金吾有令丞專主兵器而天子又自有若盧以藏兵器考工室以主作器械考工令主作兵器弩弓鎧之屬器成

則傳金吾入武庫

〔文選西京賦〕武庫禁兵設在蘭綺

〔三輔黃圖〕高祖斬白蛇劍藏於寶庫惠帝卽位以此庫貯禁兵名曰靈金內府

謹案漢制少府若盧考工室尙方之官主藏兵器作器械考若盧兼治詔獄故與內務府之慎刑司篇互見尙方令亦兼掌刻玉爲器之事故與廣儲司屬亦互見而武庫令設於高帝之初後屬執金吾所轄繕治造作皆度大司農錢與少府所屬似不相同故田蚡傳稱蚡嘗請考工地蓋宅上怒曰君何不遂取武庫明武庫與考工不同掌也然考史記稱邊兵不足乃發武庫工官兵器以贍之則是武庫爲天子御用之兵器初不以給行軍之用惟因外兵不足故權發以濟事而所謂工官者意卽考工尙方之類故張衡西京賦亦有武庫禁兵之稱是又典主禁兵之明證也又考工令作兵弩刀鎧成則傳執金吾入武庫是武庫中

固自有御用軍器之藏蓋一官而兩司其事矣茲故詳考職掌並採錄於篇中

〔後漢書百官志〕太僕卿官屬考工令一人六百石本注曰主作兵器弓弩刀鎧之屬成則傳執金吾入武庫及主織綬諸雜工左右丞各一人○執金吾官屬武庫令一人六百石本注曰主兵器丞一人
〔通典〕後漢有考工令丞屬太僕主造兵器成材武庫令
〔唐六典注〕蔡倫和帝時爲尙方令作祕劍皆有龍泉太阿之目倫器械精密爲後世法

謹案後漢以考工令丞成造兵器蓋卽西漢考工室之職其屬之太僕者以太僕掌御仗儀衛故併隸之輿服志稱矛戟幢麾弩服藏在武庫卽其職也漢又洛陽武庫自西漢時已有之則分主軍國之用而不與御器相關矣

〔通典〕漢武庫令屬執金吾考工令屬太僕魏因之○漢末分尙方爲中左右三尙方魏因之

謹案三國官制多承後漢如尙方令主作兵器屬少府武庫令屬中尉執金吾魏改執金吾仍爲中尉而武庫隸之蓋猶前代之制也

晉

〔晉書百官志〕衛尉統武庫等令丞左右省○少府統中左右三尙方等令丞

〔唐六典〕漢武庫令六百石晉因之

〔通典〕漢末分左右中尙方晉因之自過江惟置一尙方哀帝以隸丹陽尹

宋 謹案晉武庫尙方與漢魏同唯過江省三尙方爲一後復隸丹陽尹爲

少異考中左右三尙方史不言其所掌以隋唐之制例考之中署掌供內營造諸職蓋如今之營造司故不列於表惟左署掌造弓箭弩戟器

珍做宋版印
仗等則如今武備院氈庫之屬右署掌造甲冑裝刀斧鉞等則如今甲庫之屬而東晉併三爲一則又合其事於一官也

宋齊梁陳

〔唐六典〕宋尙書庫部屬官有武庫令掌軍器齊因之梁衛尉寺統武庫署令丞掌甲兵及吉凶儀仗

〔通典〕宋齊武庫令丞屬尙書庫部梁陳屬衛尉卿○梁官三品曹位北武庫丞南武庫丞

〔宋書百官志〕宋武帝踐祚以相府部配臺謂之左尙方而本署謂之右尙方並掌造軍器又以相府細作配臺卽其名置令一人隸門下孝武改曰御府後廢帝初省御府置中署隸右尙方則漢之考工令如今之尙方令尙方令如今中署矣

〔通典〕齊置左右尙方令各一人

〔隋書百官志〕梁少府置中左右尙方等令丞○衛尉卿統武庫令○陳

承梁並因其制官

謹案宋齊以武庫屬尚書之庫部蓋已非僅供御器械之職梁陳屬衛尉掌甲兵及吉凶儀仗是又兼主儀衛亦以其職守所在固自相通也惟少府左右尚方皆主造軍器而左尚方之職爲尤近蓋右尚方嘗改名中署由細作配臺而設近於魏晉之中尚方宋書雖言漢考工令如宋之尚方漢尚方令如宋之中署其實漢自有御府一府與中署相同而尚方令則仍在御府及宋中署之外也至梁陳之三尚方則一如魏晉之制矣

北魏

〔後魏書奚康生列傳〕康生彎弓十石梁聞康生能引彊弓特作大弓兩張長八尺把中圍尺一寸箭粗殆如今之長笛送康生康生平射猶有餘力卽表送置之武庫

謹案後魏官氏志有衛尉少府而無武庫尚方諸官唯諸署令有三品

列於從第八品第九品從第九品蓋武庫署諸職皆在其內史第統言之而未為詳列故無可考證也

北齊

〔隋書百官志〕衛尉掌禁衛甲兵領武庫掌甲兵及等庫署令武庫又有

修故局丞掌領匠修故甲等事○太府事統中左右三尚方等署令丞

謹案北齊武庫掌甲兵而兼儀仗蓋如今鑾儀右所掌繖蓋儀刀弓矢槍及戟之事但武庫職制歷代相承凡御用軍器並歸掌理故與鑾儀衛篇互見以著其實三尚方皆領別局而左尚所領之器作蓋於軍器為近也

後周

〔通典〕後周官正五命夏官武藏中大夫正四命夏官小武藏下大夫正三命冬官鍛工函工等上士正二命夏官司弓矢司甲司稍等中士冬官鍛工函工鞞工韋工等中士正一命夏官司工矢司稍司甲司刀盾等下

士冬官弓工箭工鍛工函工鞞工等下士

〔冊府元龜〕後周武帝四年置軍器監

軍器有監自此始也

〔玉海〕後周武帝建德四年正月戊辰初置營軍器監

謹案後周制官如成周武備職在夏官冬官中至軍器監之設實自後

周始蓋本漢考工尙方諸職而改置之者抑以其時戰爭方亟廣造軍

器而別爲立監亦不專爲御府器械而設也

隋

〔隋書百官志〕衛尉寺統武庫等署令丞○太府寺統左尙方內尙方右

尙方等署令丞○少府監煬帝置統左尙右尙內尙鎧甲弓弩等署令丞

後廢鎧甲弓弩二署

〔唐六典〕開皇中三尙方俱屬太府寺煬帝始改隸少府左尙方掌造車

輦織扇稍耗弓箭弩戟器仗刀鏃等事右尙方掌造甲冑具裝刀斧鉞及

皮毛雜作事隋少府有甲鎧署弓弩署

謹案隋武庫掌於衛尉與前代同三尚方初隸太府後改隸少府并增設甲鎧弓弩二署今考左尚方掌造弓箭與弓弩署俱為今氈庫之屬右尚方掌造甲冑與甲鎧署均為今甲庫之屬既有左右二尚故甲鎧弓弩二署不久而旋廢也左尚兼掌造車輦繖蓋為今鑾儀衛右所之職故並從互見焉

唐

〔唐書百官志〕少府監官屬右尚署令一人從七品下丞四人從八品下掌供十二閑馬之轡每歲取於京兆河南府加飾乃進凡五品三部之帳刀劍斧鉞甲冑紙筆茵席履舄皆擬其用皮毛之工亦領焉監作六人

七人史二十人典事十三人掌固十人

〔唐六典〕衛尉等武庫令掌職天下之兵仗器械辨其名數以備國用丞

為之貳

〔唐書劉黑闥列傳〕初秦王建天策府其弧矢制倍於常逐黑闥也為突

厥所寤自以大箭射卻之突厥得箭傳觀以爲神後餘大弓一長矢五藏之武庫世世寶之

〔唐書百官志〕軍器監監一人正四品上丞一人正七品上掌繕甲弩以

時輸武庫總署二一曰弩坊二曰甲坊主簿一人正八品下錄事一人從

九品下武德初有武器監一人正八品下掌兵仗廢牧少監一人丞二人主簿一人七年廢軍器監八年復置九年又廢貞觀六年廢武器

監開元以前軍器皆出右尚署三年置軍器監十一年復廢爲甲弩坊隸少府十六年復爲監有府八人史十二人亭長二人掌固四人弩坊

署令一人正八品下丞一人正九品下掌出納矛稍弓矢排弩刀鏃雜作

及工匠監作二人有府二人史五人典事二人貞觀六年改弓弩署爲弩坊署甲鎧署爲甲坊署甲坊署令一人

正八品下丞一人正九品下掌出納甲冑綬繩筋角雜作及工匠監作一

有府二人史五人典事一人

〔唐六典〕北都軍器監開元初屬少府監十六年移向北都掌營造甲弩之屬辨其名物審

其制度以時納於武庫少監爲之貳馬丞掌判監事凡材革出納之數工

徒衆寡之役皆督課焉主簿掌印及勾檢稽失錄事掌受事發辰甲坊署

令丞監作

隋少府有甲鎧署唐改焉

弩坊署令丞監作

隋有弓弩署唐改焉

各掌其所造之物督

其繕造辨其粗良丞爲之貳凡財物之出納庫藏之儲備必謹而守之

〔唐六典〕乾元元年軍器監改爲軍器使以內官爲之貞元四年自武德

東門築垣約左藏庫之北屬宮城東垣於是武庫遂廢其軍戎器械隸軍

器使

謹案唐少府之左尙署掌供翟扇繖蓋五輅七輦而無復隋時兼造弓

箭弩戟之職蓋自開元以後分立軍器監有甲坊弩坊二署以專司其

事故左尙不復主之其自開元以前軍器皆出左尙署則尙與隋同茲

從其改制之後以爲定故以左尙次於鑾儀衛篇而不列於此表至右

尙掌十有二閑之鞍轡與今北鞍庫同職而刀劍甲冑則又有甲庫兼

職至甲坊弩坊與今甲庫氈庫又適相合矣武庫令掌天下之兵仗器

械不專爲御用之職惟以軍器監所繕造皆以時受而入之則其所儲

藏者首以供御爲重亦可考見矣

五季無考

宋

〔宋史百官志〕衛尉寺掌儀衛兵械甲冑之政令舊制凡武庫武器歸內庫守宮歸儀鸞寺本寺無所掌元豐制行始歸本寺其屬有內弓箭庫南外庫軍器弓鎗庫軍器弩劍箭庫掌藏兵仗器械甲冑以備軍國之用儀鸞司掌供幕帟供張之事軍器什物庫宣德樓什物庫掌收貯什物給用則按籍而頒之中興後衛尉寺入工部○軍器監國初戎器之職領於三司胄曹案官無專職熙寧六年廢胄曹案乃案唐令置監以從官總判元豐正名始置監少監各一人丞二人主簿一人監掌監督繕治兵器什物以給軍國之用少監爲之貳丞參領之凡利器以法式授工徒其弓矢干戈甲冑劍戟戰守之具因其能而分任之量用給材旬會其數以考程課而輸于武庫委遣官詣所隸檢察凡用膠漆筋革材物必以時課百工造作勞逸必均歲終閱其良否多寡之數以詔賞罰器成則進呈便殿俟閱試

而頒其樣製於諸道卽要會州建都作院分造器械從本監比較而進退其官吏焉元祐三年省丞一員紹聖中復置政和三年應御前軍器監所頒降之軍器樣製非長貳當職官不得省閱及傳寫漏洩論以違制分案五置吏十有三所隸官屬四東西作坊掌造兵器旗幟戎帳什物辨其名色謹其繕作以輸于受藏之府兵校工匠其役有程視精粗利鈍以爲之賞罰作坊物料庫掌收鐵錫羽箭油漆之屬皮角場掌收皮革筋角以供作坊之用南渡置御前軍器所建炎三年詔軍器監併歸工部東西作坊都作院併入軍器所紹興三年復置丞一員令工部相度合管職事歸之十一年詔復置長貳各一員十四年以朝奉大夫趙子厚守軍器監宗室爲寺監長貳自此始隆興初詔置造軍器已有軍器所隸工部本監惟置丞一員乾道五年復置少監及簿六年以少監韓玉往建康點檢物馬以奉使軍器少監爲名是年復置監一員淳熙初元詔戎器非進入毋輒出所由是呈驗寢省二年錢良臣以少監總領淮東財賦八年沈揆復以監

長行諸監長貳自是始許總餉外帶然二人實初兼版曹職事嘉定十四年岳珂獨以軍器監總餉淮東是後戎所作坊已備官於下宥府起部並

提綱於上監居其簡事務稍簡特為儲才之所焉○軍器所隸工部提點官

二員紹興三十二年詔於邊臣內差提轄監造官各二員幹辦受給監門官各一員掌鳩

工聚材製造戎器之政令舊就軍器監置別差提舉官以內侍領之紹興

中改隸工部罷提舉官日輪工部郎官軍器監官前去本所點檢省視後

復以中人典領工部侍郎黃中以為言請復隸屬從之孝宗即位有旨增

置提點官以內省都知李綽為之改稱提舉免隸工部後以御史張震力

爭復隸工部後改隸步軍司尋復舊紹興元年減省員額如上制

〔玉海〕熙寧元年十二月二十二日以內臣張若水閣門使李評提舉編

擇增修弓弩若水造神臂弓六年六月二十七日己亥初置軍器監以三

司胄案為監命呂惠卿曾孝寬判之制度皆著為式凡一百十卷雜材一

軍器七十四件物二十一雜物四添修及製造弓弩式十卷七月甲寅置

內弓箭南庫儲御前所製七年正月十二日庚戌惠卿等上裁定中外所獻槍刀樣又上編成弓式初京師及諸路戎器雜惡河朔尤甚至所製兵械皆精利其後詔以新造軍器付諸路爲式遣官分諭之○宋軍器五庫在崇政殿東橫門外掌禁兵器衣甲槍弩箭各爲一庫又有什物庫在清平坊淳化二年置揀選衣甲器械庫熙寧六年置內弓箭南庫儲御前所製軍器命官提舉建炎七年以軍器衣甲內弓箭南內外七庫併爲一名曰內軍器庫紹興二年什物庫亦併入七年正月置軍器局於建康十一月罷乾道五年重修內軍器南庫

謹案宋軍器之職始領於三司胄案其後乃置軍器監以統領之衛尉寺之內弓箭軍器弓鎗等庫定於元豐之改制遂合唐之舊職至南渡後立御前軍器所而以軍器監及內弓箭等庫並隸工部未幾旋置提舉遂以內侍領其職則失慎重戎器之政矣自是或隸工部或差內侍變更不一皆不得爲定制也軍器監有衣甲槍弩箭五庫頗似今四庫

之制而宋時諸庫置在禁近實兼爲兵戎之用而設與今武備院規制亦略有不同

遼

〔遼史百官志〕諸坊職名總目某坊使某坊副使某坊詳袞某坊詳袞某坊都監入坊內有軍器坊

謹案遼北面之軍器坊使蓋承唐甲坊弩坊之官屬於軍器監者而設至南面官悉如唐制則衛尉之武庫少府之尙方亦必與唐代不殊今以史文不詳並從缺焉

金

〔金史百官志〕殿前都點檢司屬官器物局提點正五品使從五品副使從六品掌進御器械鞍轡諸物直長正八品都監正九品明昌三年省罷同監從

九品泰和四年設武庫署令從六品丞從七品掌收貯諸路常課甲仗以曉軍器女直

人充武器署提點從五品令從六品丞從七品掌祭祀朝會巡幸及公卿婚

葬鹵簿儀仗旗鼓笛角之事真長正八品或二員頓舍官二員泰和令總格作四員正

八品直長見士民須知泰和令無○少府監屬官尚方令一人丞一人軍器監承安

二年設泰和四年罷復並甲坊利器兩署為軍器署直令丞直長直隸兵

部至寧元年復為軍器監軍器庫利器署隸焉舊轄甲坊利器兩署監從五品少監

從六品丞從七品掌修治邦國戎器之事直長正八品泰和令無總格有○八作

左右院使一人副使一人掌收軍須軍器

謹案金以武庫武器二署屬之殿前都點檢而器物局提點專掌進御

器械鞍轡等物置使副使以重其職猶今武備院卿之所掌也軍器監

始隸兵部後復別設八作左右院亦似宋之將作監屬官改而別置皆

掌軍須軍器蓋進御器械固非專職而成造監製恆必由之器物局但

掌儲藏供進而已故並列於篇中

元

〔元史百官志〕大都留守司屬官器物局秩從五品掌內府宮殿及御用

各位下鞍轡瑚格原作忽歌今改正轎子帳房凡精巧之藝大使一員從五品副

使一員正七品直長二員正八品吏目一員司吏二人中統四年始立御

用器物局受劄至元十年改爲器物局其屬成鞍局提領三員掌造御用

鞍轡象轎中統四年置羊山鞍局提領一員掌造常課鞍轡諸物至元十

八年置刀子局提控二員掌造御用及諸宮邸寶貝佩刀之工中統四年

置轎子局提領一員掌造御用異樣木植鞍子諸物中統四年置

謹案元制御府器備盡領於大都留守司其設官最爲詳備如器物局

大使統掌都用及各位下鞍轡蓋如今武備院卿之職其成鞍局提領

專掌御用鞍轡如今北鞍庫羊山鞍局提領掌常課鞍轡如今南鞍庫

刀子局提控如甲庫之司轎子局提領亦北鞍庫之所理也

〔元史百官志〕武備寺從三品掌繕治戎器兼典受給卿四員正三品同

判六員從三品少卿四員從四品丞四員從五品經歷知事各一員照磨

兼提控案牘一員承發架閣庫管勾一員辨驗弓官二員辨驗筋角翎毛

珍傲宋版印
等官二員令史十有三人至元五年始立庫器監秩四品十九年陞正三品二十年立衛尉院改軍器監爲武備監秩四品隸衛尉院二十一年改監爲寺與衛尉並立大德十一年陞爲院至大四年復爲寺所轄屬官則自爲選擇其匠戶之能者任之

謹案元武備寺承唐宋之軍器監而設其所掌兼各路軍器與今院職不同今因其時以武備名官其屬官皆寺所自選足爲武備院考證故並採錄於篇中

〔元史百官志〕尙乘寺從三品掌上御鞍轡及領隨路局院鞍轡等造作收支行省歲造鞍轡等事卿四員正三品少卿二員從四品丞二員從五品經歷知事照磨管勾各二員至元二十四年罷衛尉始設尙乘寺領資乘庫

謹案元尙乘寺事務其初爲太僕及衛尉所掌後廢衛尉特設寺官所掌有上用鞍轡及隨器鞍轡則亦今北鞍南鞍二庫之所掌也

明

〔明史職官志〕工部所轄皮作局鞍轡局軍器局大使一人副使一人凡軍裝器械下所司造牌符火器鑄于內府禁其以法式洩於外

〔王圻續文獻通考〕皮作局掌硝熟皮張成造靴鞋鞍轡兵仗局掌造各項軍器每局設大使一人正九品副使一人從九品皆于流官內選用隸

工部

〔明史職官志〕宦官兵仗局

掌印太監一員提督軍器庫太監一員管理僉書掌司寫字監工無定員掌製造軍器火

藥司屬之 盜甲廠 即舊鞍轡局掌造軍器

謹案明代不設軍器監而以皮作鞍轡軍器諸局隸之工部至於上用兵仗則以宦官之兵仗局盜甲廠理之戎器之政視前代尤為疎略矣考天文奎十六星著於垣象為天之武庫聖王象之重戎兵之制故成周夏官冬官各有戈盾弓矢之職而職金玉府所藏以良兵器與祕器圖球並重漢自蕭何營未央宮輒首及武庫之建而考工尙方隸於少

府其職亦非輕也晉宋以後遞有變易而大概不殊自後始立軍器監而唐因之甲坊弩坊專掌繕造史稱秦王大弓長矢藏之武庫蓋帝王威御之器歷世寶藏與漢武庫藏高祖斷蛇劍者同意至宋而弓箭弩劍等庫初隸衛尉後入工部南渡置御前軍器所每用內侍爲提舉廷臣力爭始隸工部此所以戎兵不飭而國勢日弱也金元設官進御器械鞍轡諸物與御仗鸞儀恆相兼攝而元之器物局尙乘寺尤臻詳備迄於明室自工部所隸而外一委之宦者之手而宦官所掌自司禮御用寶鈔銀作等司局統轄甚爲詳密惟至進御器械則止有兵仗盜甲二職亦未嘗視之爲重務是其玩褻戎兵聲靈靡振古聖王張皇六師作弧矢以威天下之制蕩然盡失卽漢唐慎重戎器之意亦無復存矣

我

朝自

列祖

列宗神武開國初設鞍樓肅堂武器自後改爲武備院隸內務府典之以三品
卿職復

特簡大臣管理事務以重其職守

皇上天授聖武自行圍進哨閱武校射咸

躬御甲冑弓矢

命將出師則頒發甲仗弓矢以震懾

天威武備院卿敬供厥事每修繕器械必進呈

睿覽文覃武爍赫業肅莊洵非歷代飭戎之政所得比隆於萬一者矣

欽定歷代職官表卷四十一

欽定歷代職官表卷四十二

鑾儀衛表

夏車正	周大馭	大右	中戎大	夫中戎大僕	衛	事	大	臣
督攝	鹵簿	典兵	中郎	將				
宋齊	梁陳							
北魏	北齊							
後周	隋	大馭	中右	司大	夫中右	左	武伯	
唐		典掌	儀衛	十使	衛將	軍		
五季	宋	鹵簿	使	儀仗	使			
遼								
金	元	明	左宣	右宣	徽使	齊		
			拱衛	直達	嚙	都		
			領錦	衣衛	都督	等官		

歷代職官表

卷四十二

中華書局聚

官等使軍冠所中

官等使軍冠所右

周司常
中士
下士

周道右
上士
司戈
盾下
士服
節下
氏

旄頭
郎

奉蓋
羽林
郎

武庫
署令

武庫
署令

周司常
中士
下士
中士
上士

周道右
上士
司戈
中士
盾下
士刀
士

武庫
署令

武庫
署令

武庫
署令
武庫
署令

武庫
署令
武庫
署令

朝服
法物
庫監
官龍
御指
直龍
骨指
揮直
子指
指直

衣衾
庫使
副使
內庫
箭庫
監官
金鑰
班指
揮班
弓指
直指
直指
揮直

侍衛
司長
直長
武提
署提
點提
長直

侍衛
司長
直長
武提
署提
點提
長直

中
指所
使揮

右
指所
使揮

官等使軍冠所後

官等使軍冠所前

周條士
狼下

武
道
候

金
顏
督
將

武
庫
署
令

司
仗
士
中
上

武
庫
令
丞

武
庫
署
令
丞
武
庫
署
令

朝
服
法
物
庫
監
官

侍
衛
令
司
長
直
器
提
署
令
點
丞
長

後
所
指
揮
使

武
庫
署
令

司
仗
士
中
上

武
庫
令
丞

武
庫
署
令
丞
武
庫
署
令
掌
直
扇

尚
衣
使
副
庫

侍
衛
令
司
長
直
器
提
署
令
點
丞
長

前
所
指
揮
使

珍
做
宋
版
印

官等使軍冠衛手旗

官等使軍冠所象馴

中鼓周
士人

士氏服周
下不

令承
華

令鼓
丞吹
令鼓
丞吹

令鼓
丞吹

下中司下中司
士士吹士士鼓

令鼓
丞吹

丞署鼓
令吹

丞局鼓
令吹

官所養
監象

部譚令鼓
子丞吹

令吹長丞點署武
署鼓直令提器

長丞點署武
直令提器

揮衛旗
使指手

揮所馴
使指象

主 事 經 歷 筆 帖 式

主簿
主簿

督整
車騎
令史

拱衛
令史
直衛
史司

拱衛
直衛
錦衣
經歷
經

拱衛
直衛
知事

珍
做
宋
版
做

鑾儀衛

國朝官制

鑾儀衛掌衛事大臣一人

正一品無專員以王公滿洲蒙古文武大臣管理

鑾儀衛使三人

正二品內二人以滿

洲蒙古兼授一人以漢人漢軍兼授

掌供奉

乘輿秩序鹵簿辨其名數與其班列凡祭祀朝會

時巡

大閱則帥所司而敬供之既事復進而藏之所屬有左右中前後五所分鑾輿

馴馬擎蓋弓矢旌節幡幢扇手斧鉞戈戟班劍十司馴象一所分東西二

司旗手一衛分左右二司初順治元年置錦衣衛指揮使等官二年改爲

鑾儀衛四年罷指揮使置鑾儀使及副使等官五年罷鑾儀副使定鑾儀

使滿洲漢人員額各二九年始以內大臣掌衛事康熙三十年省漢人鑾

儀使一人所隸有軍尉旗尉民尉凡陳設鹵簿儀刀弓矢及戟用親軍豹

尾槍仗馬用護軍蒙古畫角用蒙古畫角軍奉請乘輿用旗尉擊執各項

儀仗用民尉由內府選充者為旗尉奉輦旗尉百六十八人民尉六十人

各執事旗尉二百四十六人民尉一千八百五十六人皆分隸各所乾隆

四年定凡民尉籍隸大興宛平者有缺仍以兩縣人充三旗蒙古布勒器

三十人漢軍更夫四十人

左所掌所印冠軍使滿洲一人正三品凡滿洲員額皆以蒙古兼授各所衛同掌鑾輿司馴馬司司印

雲麾使滿洲二人閒散雲麾使滿洲一人雲麾使漢軍二人俱正四品各所衛同治儀正

滿洲四人漢軍五人俱正五品各所衛同整儀尉滿洲二人漢軍八人俱正六品各所衛同

掌輿乘輦輅之事凡各所衛官制員額皆順治十一年定

右所掌所印冠軍使滿洲一人掌擊蓋司弓矢司司印雲麾使滿洲二人閒散

雲麾使滿洲一人雲麾使漢軍一人治儀正滿洲三人漢軍二人整儀尉滿洲

三人

掌繖蓋儀刀弓矢槍戟之事

中所掌所印冠軍使滿洲一人掌旌節司幡幢司印雲麾使滿洲二人閒散
雲麾使滿洲一人雲麾使漢軍一人治儀正滿洲三人漢軍二人整儀尉滿洲
二人漢軍一人

掌麾擎幡幢纛幟節鉞仗馬之事

前所掌所印冠軍使滿洲一人掌扇手司斧鉞司印雲麾使滿洲二人閒散
雲麾使滿洲一人雲麾使漢軍一人治儀正滿洲三人漢軍三人整儀尉滿洲
二人漢軍二人

掌扇鑪瓶盃杌椅星拂御仗櫻薦靜鞭及品級山之事

後所掌所印冠軍使滿洲一人掌班劍司戈戟司印雲麾使滿洲二人閒散
雲麾使滿洲一人雲麾使漢軍一人治儀正滿洲三人漢軍三人整儀尉滿洲
二人

掌旗幟立瓜臥瓜吾仗之事

馴象所掌所印冠軍使滿洲一人掌東司西司印雲麾使滿洲二人閒散雲麾

使滿洲一人雲麾使漢軍一人治儀正滿洲二人漢軍二人整儀尉滿洲二人
掌儀象騎駕鹵簿饒歌前部大樂

旗手衛掌衛印冠軍使滿洲一人掌衛事冠軍使漢軍一人掌左司右司印雲
麾使滿洲二人治儀正滿洲二人漢軍二人整儀尉滿洲三人

掌金鈺鼓角饒歌大樂及午門司鐘神武門鐘鼓樓直更之事乾隆七年
以鼓手旗尉八十人並頭尉八人隸樂部改名署史學習音律又民尉六
十人舊以內府匠役閒散人借補者亦改用旗人並隸樂部焉

陪祀冠軍使漢軍二人駕儀管理雲麾使漢軍一人治儀正漢軍三人駕庫管
理整儀尉漢軍二人

各以其事隸屬於衛無專領職掌品秩與各所衛同

謹案以上八員雖定置額缺而與七所之各有司存者不同今據現在
員數另爲一條次於各所衛之後

主事滿洲一人經歷漢人一人

正七

掌章奏文移員額俱康熙十六年定

筆帖式滿洲七人漢軍三人

員額康熙十六年定職事具吏部篇

鳴贊官四人

掌贊鳴鞭初制以本衛官八人兼之乾隆三十七年改定於太常寺鴻臚

寺贊禮郎鳴贊官內送衛選擇補用

漢人侍衛無定員

乾隆十三年定制每科以武進士簡拔侍衛者派撥數員在衛行走以備

差委不為額缺其陞轉仍依侍衛之例

歷代建置

三代

〔春秋左氏定公元年傳〕薛宰曰薛之皇祖奚仲居薛以為夏居正〔注

〕皇大也奚仲為夏禹掌車服大夫

〔荀子〕奚仲作車正〔楊倞注〕夏禹時車正

〔後漢書輿服志〕奚仲為夏車正建其旂旄尊卑上下各有等級

〔竹書紀年〕殷太戊三十一年命費侯中衍為車正

謹案管子奚仲之車也方圓曲直皆中規矩鈞繩呂氏春秋寒哀作御

奚仲作車淮南子胡曹為衣奚仲為車山海經番禺生奚仲奚仲生吉

光以木為車郭璞謂言吉光明其父子共創意惟宋志謂包羲畫八卦

而為大輿奚仲乃夏之車正安得始造荀子解蔽篇註黃帝已有車服

奚仲亦改制耳則是奚仲造車之說或以其為車正而附會之奚仲為

夏車正中衍為殷車正蓋即今鑾儀衛職事所自昉也

〔周禮春官〕巾車下大夫二人上士四人中士八人下士十有六人府四

人史八人工百人胥五人徒五十人掌公車之政令辨其用與其旗物而

等敘之以治其出入〔鄭康成注〕巾車車官之長典路中士二人下士四人府二人史二

人胥二人徒二十人掌王及后之五路辨其名物與其用說〔鄭康成注〕路王之所乘車

司常中士二人下士四人府二人史二人胥四人徒四十人

〔鄭康成注〕司常主王旌旗

掌九旗之物名各有屬以待國事日月爲常交龍爲旂通帛爲旛雜帛爲物熊虎爲旗鳥隼爲旟龜蛇爲旐全羽爲旞析羽爲旖

〔大戴禮記〕上車以和鸞爲節下車以佩玉爲度行以采茨趨以肆夏步還中規折還中矩進則揖之退則揚之然後玉鏘鳴也古之爲路車也蓋圓以象天二十八椽以象列星軫方以象地三十輻以象月故仰則觀天文俯則察地理前視則睹和鸞之聲側聽則觀四時之運此巾車教之道也

〔穆天子傳〕天子主車造父爲御

〔周禮夏官〕司戈盾下士二人府一人史二人徒四人掌戈盾之物而頒之祭祀授旅賁及故士戈盾授舞者兵亦如之軍旅會同授貳車戈盾建乘車之戈盾授旅賁及虎士戈盾太僕下大夫二人王出入則自左馭而

前驅

〔鄭康成注〕前驅如今道引也道而居左自馭不參乘辟王也

戎右中大夫二人上士二人會同充

革車

鄭康成注无之者謂居左也

齊右下大夫二人掌祭祀會同賓客前齊車王乘則

持馬行則陪乘道右上士二人掌前道車王出入則持馬陪乘如齊車之

儀自車上諭命于從車詔王之車儀王式則下前馬王下則以蓋從大馭

中大夫二人掌馭玉路以祀及犯較王自左馭馭下祝登受轡犯較遂驅

之凡馭路行以肆夏趨以采齊凡馭路儀以鸞和為節戎僕中大夫二人

掌馭戎車

鄭康成注戎車革路也

掌王倅車之政凡巡狩及兵車之會亦如之齊僕

下大夫二人掌馭金路以賓朝覲宗遇饗食皆乘金路其灋儀各以其等

為車送逆之節道僕上士十有二人掌馭象路以朝夕燕出入其灋儀如

齊車田僕上士十有二人掌馭田路以田以鄙掌佐車之政設驅逆之車

馭夫中士二十人下士四十人掌馭貳車從車使車

〔周禮秋官〕條狼氏下士六人胥六人徒六十人掌執鞭以趨辟

〔王應麟玉海〕鳴鞭唐有之周條狼氏之遺法也

〔周禮夏官〕服不氏下士一人徒四人掌養猛獸而教擾之

鄭康成注教習使之馴服

王者之教 節服氏下士八人徒四人掌六人維王之太常鄭康成注維維之以纁王旌十

無不服 二旒兩兩以纁綴連旁三人持之禮天子旌曳地

〔周禮地官〕鼓人中士六人府二人史二人徒二十人掌教六鼓四金之音聲以節聲樂

謹案車路之等旌旗之飾至周而文物始盛後世儀衛大抵本周制而損益之故其設官亦最爲詳備以今制相準巾車掌公車政令當卽如今鸞儀使之職典路道僕田僕馭夫分掌車路當如今左所之職司常掌九旗當如今中所之職司戈盾掌授戈盾節服氏維王之太常而道右兼之蓋從又當如今右所之職條狼氏爲鳴鞭所自始當如今前所之職服不氏掌養猛獸當如今馴象所之職而又與旗手衛同掌饒歌大樂則又並有地官鼓人之職爲後世鼓吹令所因今故互見于樂部表以明源流所自至周之太僕一官主左馭前驅又兼有今鑾儀使之職故自秦漢以後太僕並主乘輿鹵簿不獨典司牧政至元明而始專

爲養馬之官今並互見此表以著其實云

秦

〔唐六典〕秦有六尚尚乘局自秦漢以來其職皆在太僕

〔杜佑通典〕秦有車府令

〔史記秦始皇本紀〕中車府令趙高〔裴駟集解〕主乘輿路車

謹案宋宋綬作景祐鹵簿圖記稱秦兼屬車九九之數沈約謂古者諸侯貳車九乘秦滅九國兼其車服故八十一乘則儀物之容至秦而益加詳備故特仿周制置太僕以掌之當如今之鑾儀衛而中車府令主乘輿路車則亦近今左所之職也

漢

〔漢書百官公卿表〕奉車都尉掌御乘輿車駙馬都尉掌駙馬顏師古注駙副馬非

正駕車皆爲駙馬一曰駙近也皆武帝初置秩比二千石

謹案魯峻石壁殘畫象載南郊大駕出時有云小使持騎幢有云持騎

馬有云駙馬上下文殘缺不可讀考百官公卿表駙馬都尉掌駙馬顏
注以駙馬爲副馬魯峻石壁所謂持駙馬蓋維持此駙駕之馬則正駙
馬都尉之職爾其云大駕出時卽大駕鹵簿其云小史持騎幢卽輿服
志所云尙書主者郎令史副御史蘭臺令史副皆執注以督整車騎是
也

〔漢書霍光列傳〕光爲奉車都尉光祿大夫出則奉車入侍左右

〔漢書百官公卿表〕太僕掌輿馬屬官有車府路軫令丞武帝太初元年

初置路軫

顏師古注伏儼曰主乘輿路車又主凡小車軫今之小馬車曲輿也軫音零

〔漢書梁邱賀列傳〕先驅旄頭

顏劭注旄頭以羽林爲之髮正上向而長衣繡衣在乘輿車前

〔宋書禮志〕晉武帝問侍臣旄頭何義彭推對曰秦國有奇怪觸山截木
惟畏旄頭故虎士服之則秦制也張華曰有是言而事不經臣謂壯士之
怒髮踊衝冠義取於此徐爰曰彭張各言意義無所承據案天文畢昴之
中謂之天街故車駕以畢罕前引畢方昴圓因其象星經昴一名旄頭故

使執之者冠皮毛之冠也

〔漢書東方朔列傳〕宋萬爲式道候

〔顏師古注〕式表也表道之候若今之武候引駕

〔蔡邕獨斷〕天子出車駕次第謂之鹵簿有大駕有小駕有法駕大駕則公卿奉引大將軍參乘太僕御屬車八十一乘備千乘萬騎在長安時出祠天於甘泉備之百官有其儀注名曰甘泉鹵簿中興以來希用之先帝時時備大駕上原陵他不常用法駕公卿不在鹵簿中唯河南尹執金吾洛陽令奉引侍中參乘奉車郎御屬車三十六乘北郊明堂則省諸副車小駕祠宗廟用之每出太僕奉駕上鹵簿於尙書侍中中常侍侍御史主者郎令史皆執注以督整諸軍車騎春秋上陵令又省於小駕直事尙書一人從令以下皆先行法駕上所乘曰金根車駕六馬有五色安車五色立車各一皆駕四馬是謂五時副車俗人名之曰五帝車非也

〔西京雜記〕漢朝輿駕祠甘泉汾陰備千乘萬騎太僕執輿大將軍陪乘名爲大駕車有司馬辟惡記里靜室象車武剛九旂雲罕皮軒闐戟鸞旌

建華相風烏金根之名儀衛有騎隊鼓吹黃麾騎畢罕節御馬華蓋桐鼓之制或分八校或分十六校式道有候護駕有官

〔漢書文帝本紀〕奉天子法駕迎代邸〔如淳注〕法駕侍中駟乘奉車郎御屬車三十六乘

〔漢書劉向列傳〕任爲輦郎〔顏師古注〕如今引御輦郎也

謹案鹵簿之名始見於西漢李善文選注引胡廣漢官制度曰天子出車駕次第謂之鹵簿唐人謂鹵櫓也甲盾之別名兵衛以甲盾居外爲前導皆著之簿故曰鹵簿王應麟引五禮精義謂鹵大盾也以大盾領一部之人故言鹵簿其爲說稍殊而其釋鹵爲盾則無異蓋亦本武衛之義以立此名在漢時屬太僕所掌觀夏侯嬰傳嬰事高祖爲太僕常奉車後事惠帝高后皆爲太僕至文帝入立嬰復以太僕具法駕奉迎終身未嘗遷官蓋亦以典司輿輦爲近御之官故特隆其任寄與今鑾儀衛之職實爲相合所屬若車府路軫諸令丞及式道候奉車郎輦郎則皆今各所所有事而西京雜記稱儀衛分八校或十六校則以事區

分職掌亦猶今之有左右中前後五所也又旄頭郎以羽林爲之而所掌爲乘輿前驅則其職當亦隸於太僕漢書外戚傳上官桀爲羽林期門郎從武帝上甘泉天大風車不得行解蓋授桀桀奉蓋雖風常屬車兩下蓋輒御上奇其材力是漢時華蓋本在車上因風而使桀解下奉持正如周官道右之王下則以蓋從可知期門羽林固得並兼奉車之事耳又漢初以奉車駙馬二都尉供奉乘輿最稱親近故霍光任此者幾二十年至三國時乃多以戚畹勳舊爲之迨東晉而後惟尙主者始授此職他人皆不得與嗣遂爲主壻之定名而不知其初實主侍從車駕卽如管鑾儀衛大臣之職今故並著于表以從其朔焉

〔後漢書百官志〕太僕卿一人中二千石掌輿馬天子每出奏駕上鹵簿用大駕則執御車府令一人六百石主乘輿諸車未央殿令一人六百石主乘輿

〔宋書禮志〕漢制每出警蹕清道建五旗太僕奉駕條上鹵簿

〔後漢書禮儀志〕車府令設鹵簿駕

〔後漢書輿服志〕東都大駕太僕校駕法駕黃門令校駕乘輿法駕公卿不在鹵簿中河南尹執金吾雒陽令奉引奉車郎御侍中參乘屬車四十六乘前驅有九旂雲罕鳳凰闐戟皮軒鸞旂皆大夫載鸞旂者編羽旄列繫幢旁民或謂之雞翹非也後有金鉦黃鉞黃門鼓車大駕屬車八十一乘法駕半之屬車皆阜蓋赤裏木輻戈矛弩箠尙書御史所載最後一車懸豹尾豹尾以前比省中行祠天郊以法駕祠地明堂省什三祠宗廟尤省謂之小駕每出太僕奉駕上鹵簿中常侍小黃門副尙書主者郎令史副侍御史蘭臺令史副皆執注以督整車騎謂之護駕春秋上陵尤省於小駕直事尙書一人從其餘令以下皆先行後罷

謹案續漢書輿服志云法駕屬車四十六乘蔡邕獨斷云三十六乘三輔黃圖則從獨斷或續漢書四字爲三字之誤

〔張衡東京賦〕及將祀天郊報地功乃整法服正冕帶珩紘紘玉笄綦

會火龍黼黻藻綵盤厲結飛雲之袷輅植翠羽之高蓋建辰旒之大常紛
飈悠而容裔六元虬之奕奕齊騰驤而沛艾龍駟華轡金鏤鏤錫方鉉左
纛鉤膺玉瓊鸞聲噦噦和鈴缺缺重輪貳轄疏轂飛軫羽蓋葳蕤葩璫曲
莖順時服而設副咸龍旂而繁纓立戈迤戛農輿木輅屬車九九乘軒並
轂斑駁重旃朱旄青屋奉引既畢先輅乃發鸞旗皮軒通帛績旆雲罕九
旂鉞戟鞞鞞聳毛被繡虎夫載鶡駼承華之蒲梢飛流蘇之騷殺總輕武
於後陳奏嚴鼓之嘈囂戎士介而揚揮戴金鉦而建黃鉞清道按列天行

星陳

謹案東京賦云奉引既畢先輅乃發卽輿服志所云河南尹執金吾洛
陽令奉引是也又云鸞旗皮軒卽輿服志所云皮軒鸞旗皆大夫載是
也云屬車九九卽輿服志所云屬車八十一乘也云雲罕九旂卽輿服
志所云前驅有九旂雲罕是也云鉞戟鞞鞞卽輿服志所云鳳凰闐戟
是也云奏嚴鼓之嘈囂卽輿服志所云黃門鼓車是也云戴金鉦而建

黃鉞卽輿服志所云後有金鉦黃鉞是也漢賦之有關於典制如此

〔李善文選注〕漢官儀曰大駕鹵簿五營校尉在前者名曰填衛

謹案後漢天子每出皆太僕條上鹵簿與今鑾儀衛之制尤爲相合至漢有充庭之制凡臨軒大會陳乘輿車輦旌鼓於殿庭張衡東京賦所云龍路充庭鸞旗拂霓者是也今制朝會

御殿陳設鹵簿實權輿於此其在漢世當亦屬太僕所條上歟

〔唐六典〕後漢少府屬官有承華令典黃門鼓吹一百三十五人百戲師二十七人

謹案後漢之承華令至晉以後改爲鼓吹令今馴象所旗手衛所典鏡歌前部樂實卽其職故旣繫之樂部表而仍互見於此焉

〔孫逢吉職官分紀〕漢鹵簿之制衛尉駕四馬主簿前車八乘

〔後漢書百官志〕奉車都尉比二千石無員駙馬都尉比二千石無員〔劉昭補注〕漢官曰奉車都尉三人駙馬都尉五人

〔三國魏志后妃列傳〕卞蘭爲奉車都尉郭詳遷爲駙馬都尉

〔三國蜀志諸葛亮列傳〕亮兄子喬拜爲駙馬都尉

〔通典〕後漢太僕奏駕上鹵簿魏因之後漢太僕有未央殿令魏改爲乘黃殿乘黃古之神馬因以爲名歷代皆有悉掌乘輿車府署令魏屬太僕謹案曹魏太僕之制同於東漢當亦有今鑾儀衛之一職其乘黃令雖以馬爲名而所掌實乘輿車輅當如今左所之職也至太僕一官魏志所載諸臣自潘尼以外罕有居此職者惟齊王紀引魏書載羣臣奏事有太僕臣疑列於太常衛尉之後廷尉大鴻臚之前則其位任亦不爲輕矣

晉

〔晉書職官志〕武帝以宗室外戚爲奉車駙馬都尉而奉朝請焉元帝爲晉王以參軍爲奉車都尉掾屬爲駙馬都尉皆奉朝請後罷奉車都尉惟

留駙馬都尉奉朝請諸尙公主者劉惔桓温皆爲之

〔謹案自此以後駙馬都尉遂爲主婿加官無復供奉乘輿之事矣〕

〔王應麟玉海〕晉中朝大駕鹵簿靜室令中道式道候分左右次洛陽尉令亭長河南掾尹簿記次司隸廷尉太常光祿衛尉太尉司徒司空或駕一或駕二或駕駟次中護軍步兵長水射聲翊軍越屯騎校尉驍騎游擊左右前後領軍將軍並鹵簿左右二行鼓吹一部次領護驍騎游軍校尉繳扇幢麾各一騎鼓吹一部七騎領護加大車斧終於金顏督將此百官之儀也

〔晉書職官志〕太僕統車府乘黃等令

〔馬端臨文獻通考〕尙輦車府令掌之東晉省太僕遂隸尙書駕部

〔通典〕晉置鼓吹令丞屬太常

謹案晉鹵簿之制以太僕卿與大將軍驂乘則晉之太僕亦兼有今鑾儀衛之職然考晉書又稱陳繆爲典兵中郎將武帝每出入持白獸旛

在乘輿左右鹵簿陳列齊肅輿服志載鹵部儀式亦有典兵中郎中道督攝之文典兵中郎將爲今領侍衛之職而得兼司鹵簿則正如今管衛事之大臣也

宋齊梁陳

〔宋書百官志〕周官巾車尙車太僕兼其任宋以來不置郊祀則權置太僕執轡事畢卽省乘黃令一人掌乘輿車屬太常車府令一人隸尙書駕部

〔南齊書百官志〕太僕掌郊禮執轡有事權置兼官畢乃省乘黃令一人掌五路安車

〔隋書百官志〕梁太常統鼓吹乘黃等令丞陳依梁制

〔冊府元龜〕梁乘黃令品第七秩四百石銅印墨綬進賢一梁冠絳朝服

〔玉海〕梁乘輿行則有大駕法駕小駕行幸則架仗近燕則隊仗三駕法天一仗法地大同五年賀琛奏南北二郊措田御輦不復乘路以侍中陪

乘停大將軍及太僕

謹案南朝鹵簿之法具載史志而當時不置太僕其司存所在蓋當分屬於太常及駕部也又考南史齊武陵昭王曄傳稱牛羸不能取路上敕車府給副御牛一頭云云據此則是乘黃令所掌者爲車輅輿輦以備郊廟儀物而車府所掌乃主供奉御前之用其職又稍有不同耳

〔隋書百官志〕梁奉車都尉無員

北魏

〔魏書官氏志〕太和中定百官奉乘郎從第五品中翼馭郎從第五品下二十三年復次職令奉車都尉從第五品正始四年詔曰奉車都尉禁侍美官顯加通貴世移時變遂爲冗職既典名猶昔宜有定員可二十人

〔魏書禮志〕太祖天興二年命禮官掎採古事制三駕鹵簿一曰大駕設五輅建太常屬車八十一乘平城令代尹司隸校尉丞相奉引太尉陪乘太僕御二曰法駕屬車三十六乘平城令代尹太尉奉引侍中陪乘奉車

都尉御三曰小駕屬車十二乘平城令太僕奉引常侍陪乘奉車郎御

〔冊府元龜〕後魏殿中監有乘黃車府令後又省乘黃令

〔謹案北魏車府乘黃二令俱改屬於殿中監又與魏晉之制有殊至官

氏志之奉乘郎翼馭郎禮志之奉車郎皆主供奉輿輦則今左所之冠

〔軍雲麾諸使當即其職也

北齊

〔隋書百官志〕後齊衛尉寺統武庫署令掌甲兵及儀仗太僕寺統乘黃

〔車府等署令丞乘黃掌諸輦輅車府掌諸雜車太常領鼓吹署令丞掌鼓

吹樂人等事左右衛府奉車都尉十人

〔謹案歷代執仗兵士皆即以衛卒充之北齊儀仗掌諸衛尉其由來當

本於此然自是而變儀衛之職遂分爲兩官蓋武庫署如今之右中前

後四所而乘黃署則如今之左所也

後周

〔通典〕後周官品正五命夏官大馭司右中大夫五命奉車都尉奉騎都尉正四命春官司車路夏官小馭戎馭齊馭小司右戎右齊右等下大夫正三命春官小司車路夏官道馭田馭小司右賓右道右田右司仗等上士正二命春官典路司庫司常司鼓司吹夏官司仗司刀盾等中士正一命春官典路司車司常司鼓司吹夏官司刀盾等下士

〔隋書禮儀志〕周氏設六官置司路之職以掌公車之政辨其名品與其物色

謹案隋書禮儀志又稱後周置左右武伯掌內外衛之禁令皇帝臨軒則備三仗於庭蓋當時用衛士立仗故即以左右武伯專司其事實兼有今鑾儀衛之職正如今掌衛事之大臣也

隋

〔隋書百官志〕高祖置衛尉寺統武庫令丞太僕寺統乘黃車府署各置令丞煬帝加置主乘官

〔唐六典〕煬帝置尙輦局奉御正五品

〔隋書百官志〕奉車都尉六人掌馭副車

〔隋書閭毗列傳〕帝曰開皇之日屬車十二乘今八十一乘欲減之毗曰八十一乘起於秦遂爲後式次及法駕三十六乘三十六乘此漢制也晉遷江左唯設五乘宋時設十二乘開皇平陳因爲法今憲章往古大駕依秦法駕依漢小駕依宋以爲差等帝曰大駕宜三十六法駕宜十二小駕除之

〔通志〕隋有鼓吹令丞

謹案隋書稱陳承梁末王琳縱火延燒車府因重造五輅及副車是南朝輦輅皆藏於車府也又稱周大象初遣鄭譯閱視武庫得魏書舊物五有乾象輦大樓輦象輦等皆魏天興中所置宣帝咸服御之則是魏周及隋輦輅皆藏於武庫與南朝制異故武庫令兼掌儀仗正如今之有

輦駕庫也

〔通志〕隋有鼓吹令丞

唐

〔唐六典〕殿中省尚輦局奉御二人從五品上直長四人正七品下掌輦二人正九品下主輦四十二人奉輦十五人掌輿輦繖扇之事分其次序而辨其名數直長爲之貳凡大朝會則陳於庭大祭祀則陳於朝凡繖扇大朝會則繖二扇一陳之於庭若常聽朝皆去扇左右各留其三以備常儀○衛尉寺卿一人從三品少卿二人從四品上掌邦國器械文物之政令凡大祭祀大朝會則供其羽儀節鉞金鼓帷帟茵席之屬武庫令兩京各一人從六品下掌兵仗器械武器署令一人正八品下丞二人從九品下掌在外戎器辨其名物會其出入凡大祭祀大朝會大駕巡幸則納於武庫供其鹵簿○太僕卿之職凡國有大禮大駕行幸則供其五輅屬車之屬乘黃署令一人從七品下丞一人從八品下掌天下車輅辨其名數與馴馭之法丞爲之貳凡乘輿五輅皆有副車又有指南車記里鼓車白鷺車鸞旗車辟惡車皮軒車耕根車安車四望車羊車黃鉞車豹尾車屬

車一十有二大駕則用之車府署令一人正八品下丞一人正九品下掌王公以下車輅

〔新唐書百官志〕少府監左尚署令一人從七品下丞五人從六品下掌

供翟扇蓋繖五路五副七輦十二車

〔唐六典〕尚輦局置掌扇直長掌執扇供奉之事

〔新唐書百官志〕鼓吹署令二人從七品下丞二人從八品下樂正四人

從九品下掌鼓吹之節以備鹵簿之儀

〔通典〕天寶以前選奉車都尉五員掌馭副車不常置若大備陳設則以

餘官攝行屬左右衛

〔新唐書儀衛志〕朝會之仗分爲五仗號衙內五衛一曰供奉仗以左右

衛爲之二曰親仗以親衛爲之三曰勳仗以勳衛爲之四曰翊仗以翊衛

爲之五曰散手仗以親衛翊衛爲之

謹案唐六典駕部郎中員外郎掌邦國之輿輦車乘庫部郎中員外郎

掌邦國之戎器儀仗及冬至元旦之陳設是唐代鹵簿之制實領其成於兵部而以衛尉之武庫武器二署太僕之乘黃車府二署殿中之尙乘局少府之左尙署分司厥事並不專屬於一官也至唐時鹵簿皆用五衛之士分隊前後領以折衝都尉其左右廂儀仗內鍪鎧弓箭刀楯纘麾之類左右衛以黃左右武衛以白左右威衛以黑左右領軍衛以青各有定色御仗之物二百一十有九羽儀之物三百自千牛以下各分而典掌之則其時鹵簿陳設之事又領於十六衛將軍亦猶今之以大臣管衛事矣

五季

〔職官分紀〕梁開平初置儀鸞司

〔玉海〕後唐明宗時始有鹵簿使兵部侍郎爲之

謹案宋五朝志稱五代漢乾祐中始置主輦十六人掌扇四人則當時儀衛簡略可以概見故其設官亦多不備然儀鸞司之名實初見於此

至鹵簿使雖兼攝之官而職在排列督整則亦如今之管鑾儀衛大臣也

宋

〔政和五禮新儀〕建隆初選從臣爛習禮儀者為鹵簿使

〔宋綬天聖鹵簿記〕序曰黃帝創軒冕之容列營衛之警輿駕儀物蓋本

於此唐堯彤車有虞鸞和夏后之綬商人之路周官有司常巾車之職虎

賁旅賁之從三五之際所由來尚矣秦并六國兼屬車九九之數漢上甘

泉備千乘萬騎之衆自時厥後損益可知藝祖始議郊饗即諏典文扞衛

既崇羽儀兼備初吏士所服皆用畫帛乃命易以厚繒加之文繡采絳相

錯煥乎一時至道中詔翰林承旨宋白與內侍畫郊丘仗衛緘在祕府景

德中資政殿學士欽若上鹵簿記三卷敕付太史皇上紹庭正統粵再郊

之明年命華光侍臣圖寫大簿臣充儀仗使督攝容衛又以太僕奉車承

顧問乃與侍讀馮元侍講孫奭議曰前二圖書寫形紀事不相參會蓋象

設而又文陳乎繇是著爲圖記十篇歲在戊寅燔祀有期敕重飾帝車爰及法物並加釐正

謹案宋綬充儀仗使又兼太僕奉車之職故作鹵簿圖記今鑾儀衛使掌秩序鹵簿也

〔李燾續資治通鑑長編〕真宗大中祥符元年命馮拯爲儀仗使陳堯叟爲鹵簿使

謹案儀仗鹵簿二使宋亦以他官兼攝當時故事中丞領儀仗使天聖二年用中丞薛奎領鹵簿而翰林學士領儀仗治平二年詔中丞賈黯爲儀仗使翰林學士范鎮爲鹵簿使是其事

〔周必大繡衣鹵簿記〕藝祖皇帝受天眷命用肇造區夏武功旣成文治斯廣躬郊禋正會朝禋威盛容以次畢行惟是承五季搶攘之後鹵簿雖設躋駁爲甚易而新之茲惟其時於是制誥范質張昭等正其繆盭參定典式已而禮儀使陶穀奏言金吾諸衛將軍暨押仗導駕等官服皆以紫

於禮未稱請按開元禮咸用繡袍至若執仗之士舊服五色畫衣先後靡
倫無所准式請以黑爲先而青赤黃白以次分列用協五行相生之序逮
有司以儀注上帝御便殿陳而閱之凡馬步儀仗總萬有一千二百二十
有二人悉以綜絲袍繡文代彩畫之服揚揮絢采丕釐舊弊疊疊三代兩
漢之盛矣稽諸會要始造於乾德之四年而告備於開寶之三年越明年
謁款圓邱實始用之想夫襍稍前驅五輅增副里以鼓記車以南指雞翹
豹尾天矯婀娜公卿執事前導後陪細仗大角壯其容幟蓋繖扇備其飾
畫老幼稚族觀聚歎向也目熟乎兵革今乃窺文物旗常之美向也耳厭
乎金鼓今乃聞錫鸞和鈴之音皇哉治世之鉅典華夏之偉觀也竊讀三
聖寶訓而知藝祖恭儉之德出於天資衣用澣濯器御質素齊官無三服
之獻織室罷纂組之工顧於羽衛乃顯設藩飾如此得無意乎蓋恭儉者
帝王之盛德也備羽衛者國家之上儀也在漢孝文殿設書囊之帷身以
敦朴爲先及其詔令則曰鸞旗在前屬車在後儀物明盛猶可想於千載

之下然則聖人所以奉己與華國者固自殊轍也耶是以知藝祖之意有在也列聖繼承制作益詳曰大駕曰法駕曰鸞駕曰黃麾仗或施之躬郊或用之封祀或設之朝覲其多寡有差其先後有序揆厥所元皆自繡衣啓之貽謀垂裕永永無極肆皇帝陛下紹復祖宗之大業迺紹興十有三年築壇而郊共祀天地鹵簿之制實纂乾德至於歲用癸亥則視建隆初郊之歲若合符節夔觀簡冊未之攸聞蓋莫爲於前無以彰異時創業之功莫繼於後無以知中興之治是不可以不特書也

〔玉海〕宋大駕鹵簿自開寶定通禮之後彌有增益鹵簿使專掌定字圖排列儀仗使糾督之凡車路太僕寺主之輦輿織扇御馬殿中省主之阜纛襍稍十六騎引駕細仗牙門金吾主之槍仗六軍主之六引諸隊大角五牛旗兵部主之寶案門下省掌之鐘漏司天臺掌之鼓吹太常鼓吹局掌之旗器各物衣冠寶蓋錦繡等飾朝服法物庫出焉箠弩弓矢戎裝雜仗軍器庫內弓箭庫出焉總大駕鹵簿二萬六十一人法駕三分減一鸞

一珍做宋版印
駕又減半兵部麾仗又減於鸞駕

謹案政和新儀兵部言國初大駕儀仗總一萬一千二百二十二人今已有黃麾半仗三千四百八十三人玉輅腰小輿大輦平道遙輦下一千九人外其金象革木輅芳亭鳳輦屬車寶輿一千二百七十三人天武捧日奉宸隊六千四百五十七人仗內六引鼓吹前後部一千五百人法物儀仗望下有司製造詔令文繡並代以纈命兵部錢時敏戎監劉才邵等參訂兵部掌貳提舉然則鹵簿雖設諸官分掌而制度創造則仍兵部統主之蓋猶沿唐代之制玉海謂兵部主六引特舉其職之分見者耳

〔宋史職官志〕殿中省尙輦局掌輿輦之事有典御一人奉御六人又置提舉及管幹官一員尙衣庫使副使二人以內侍三班充掌駕頭服御繳扇之名物朝服法物庫監官二人以諸司使副及三班內侍充掌諸司儀仗之名物○衛尉寺內弓箭庫掌藏兵仗器械儀鸞司掌供幕帟供帳六

軍儀仗以肅禁衛凡儀物以時修飭選募人兵而校其遷補之事○太僕寺車輅院掌乘輿法物凡大駕法駕小駕供輦輅及奉引屬車辨其名數與陳列先後之序養象所掌調御馴象
〔陳世崇隨隱漫錄〕孟享駕出則軍器庫御酒庫御廚祗候庫儀鸞司御藥院從物前導騏驎院馬引從舍人內外諸司庫務官繼之

謹案儀鸞司卽今鑾儀使之職漫錄云從物前導卽宋職官志所云儀鸞司掌供幕帟供帳之類是也

〔章如愚山堂考索〕鼓吹局令一人丞一人

〔職官分紀〕慶曆四年鼓吹局移就武成王廟

〔宋記職官表〕殿前司騎軍有金槍班東西班諸軍指揮步軍有御龍直骨朵子直弓箭直弩直諸軍指揮

謹案宋鹵簿有排列字圖掌於兵部而以鹵簿儀仗二使總其成蓋卽今管鑾儀衛大臣之比其車輅院尙輦局則如今之左所尙衣庫朝服

法物庫內弓箭庫則分隸今之右中前後四所養象所如今之馴象所
鼓吹局如今之旗手衛而六軍儀仗司主選募人兵校其遷補則如今
鑾儀衛之有旗尉民尉也

遼

宋瑋雜錄云 遼南院軍官金鈔東院軍官

〔遼史百官志〕北面官有車輿局車輿郎君南面官殿中司有尙乘局奉
御尙輦局奉御太常寺有鼓吹署令丞

〔文獻通考〕契丹有譚子部每謁拜木葉山唱歌前導

金

金史職官志 尙輦局使從五品副使從六品掌承奉輿輦等直長正八

品典輿都轄從九品○武器署提點從五品令從六品丞從七品掌祭祀

朝會巡幸鹵簿儀仗旗鼓笛角之事直長正八品頓舍官二員正八品

右屬

殿前都點檢司 ○宣徽院左宣徽使右宣徽使掌殿庭禮儀所隸弩手傘子二百

三十九人控鶴二百人○拱衛直使司都指揮使從四品副都指揮使從

五品掌總統本直謹嚴儀衛鈐轄正六品都從九品○侍衛司

舊名擊執局大定元

年改爲陞侍局大定五年局衛爲司

令從六品掌侍奉朝儀率捧案擎蓋奉輦各給其事直

長正七品

右屬宣徽院

○大樂署兼鼓吹令一人從六品丞從七品掌施用之

法樂

右屬太常寺

謹案金史凡儀衛執仗之士其名有六曰護衛曰親軍曰弩手曰控鶴

曰傘子曰長行分隸於殿前司及宣徽院蓋如今鹵簿之制以親軍護

軍及各校尉分司執事也

元

〔元史百官志〕拱衛直都指揮使從四品掌控鶴六百餘戶及儀衛之事

至元三年始置都指揮使一員副使一員鈐轄一員提控案牘一員十六

年陞正三品隸宣徽院二十年復爲從四品二十五年改隸禮部元貞元

年陞正三品皇慶元年置經歷一員二年改鈐轄爲僉事至順二年定置

達嚕噶齊

解見戶部篇

一員正四品都指揮使四員正三品副指揮使二員從

三品僉事二員正四品經歷一員從七品知事一員從八品令使八人譯
史一人其屬控鶴百戶所從七品總十三所儀從庫掌收儀衛器仗大使
一員從七品副使一員從八品

謹案元有儀仗軍据元史所載武宗至大二年十二月行朝賀禮樞密
院調軍一千人備儀仗英宗至治元年十一月命有司選控鶴衛士及
色目漢軍以備鹵簿儀仗文宗天曆元年十一月親祭太廟用儀仗併
五色甲馬軍一千六百五十名仍命洪副使攝折衝都尉提調之是當
時亦多出臨事調撥並無定額不必盡取於拱衛直都指揮所屬之六
百戶也

明

〔明史職官志〕錦衣衛恆以勳戚都督領之凡朝會巡幸則具鹵簿儀仗
率大漢將軍共一千五百七員等侍從扈行統中左右前後五所分鑾輿擎蓋扇
手旌節幡幢班劍斧鉞戈戟弓矢馴馬十司各領將軍校尉以備法駕馴

象所領象奴養象以供朝會陳列駕輦馱寶之事

〔明會典〕吳元年置拱衛司秩正七品後改拱衛指揮使秩正三品尋又改爲都尉司洪武三年改爲親軍都尉府管左右中前後五衛軍士而設儀鸞司隸焉四年定儀鸞司爲正五品設大使一人副使二人十五年罷儀鸞使改置錦衣衛秩從三品其屬有御椅等七員皆正六品設經歷掌文移出入

〔孫承澤春明夢餘錄〕錦衣所掌者乃鹵簿儀仗之事旗手所司者乃旗纛金鼓之物諸衛皆統軍卒而錦衣獨領校尉力士諸衛正倅一惟其世獨錦衣之任則不必世而以能蓋御座則夾陛而立御輦則扶轅以行出警而入蹕承旨而傳宣皆在所司而治獄所寄則又重矣

〔明史職官志〕旗手衛本旗手千戶所洪武十八年改置掌大駕金鼓旗纛帥力士隨駕宿衛

謹案古者文謂之儀武謂之衛天子車駕次第謂之鹵簿歐陽修謂儀

衛鹵簿之設所以尊君而肅臣故宋綬稱唐堯彤車有虞鸞和夏后之綬商人之路輦駕法物其權輿已肇於此至周而巾車司常之屬職掌始著嗣是代有損益大約漢以後之太僕北齊以後之衛尉俱兼司其任至唐宋而儀文更臻詳備然考之於史唐宋法駕鹵簿執掌兵士至用二萬二千二百二十一人南宋省約過半猶用六千六百八十九人冗役太多故當時郊祀賞賚靡濫最甚以致惜費憚行相沿成習殊爲繁縟無當明初詔鹵簿彌文務從省節其數視唐宋爲差少而錦衣掌文衛者不惟供清道奉引之職乃復令兼司治獄事得專達中葉以後權勢大張擅竊國威恣行凌虐其權任遠出法司之上流弊至不可勝言而爲之長者反得以恩倖受賞往往加至保傅公侯其權貴子弟冒銜錦衣者至有二三千人歲耗度支無算名器冗褻至是爲已極矣我朝鑾儀衛卽明代錦衣之職而官守嚴肅度數精詳翊奉禮儀無不各共其事凡鹵簿儀仗之制皆經

審裁考定準今酌古條理得中超三代之隆文昭一王之盛軌列史儀衛志
所載固未有如今日之整齊典重者洵足永垂法則焉

欽定歷代職官表卷四十二